

# З ЛІТЕРАТУРНОЇ СПАДЩИНИ

Дмитро Туптало



## «РУНО ОРОШЕННОЕ»

(Підготовка тексту, передмова та коментарі О.Тарасенка)\*

### РОСА ОЗАРЕНІЯ СМЫСЛОВ.

Радуйся, вѣрных озаряющая смыслы.

#### Чудо 6.

Человѣк един, именем Лаврентій, жилец Чернѣговскій, изступил бяше ума, и яко есть обычай таковым, бѣгал ноцію по граду и по полю [Року 1672]. Единою хотяй при рѣцѣ утопитися, ят бысть, // и приведен к Чудотворной Иконѣ в Монастыр Илинскій, идеже егда о нем молитва творящеся от Иноков, Благодать Богородичина даде ему ум, смысл и разум. И тако здрав и смысла возвратися в дом, хваля Матер Божію, вразумившую его.

#### БЕСѢДА.

Сотецѣтесе zde вси, окраденнїи умом, буи и невѣжи со мною сѣмо прїйдѣте, се имамы премудрости наставницу и смысла подателницу Пресвятую Дѣву. Та научит, та вразумит, та наставит ны вся. Вѣсте, яко всяк неразумный учится от Книги, ненаказанный наказуется от премудраго, невѣжа наставляется от предводителя. Пречистая Дѣва есть и Книга, и премудрость, и предводитель. Книгою есть, по реченному Дамаскином<sup>а</sup>: книга // новая, в ней же неизреченным образом, Бог Слово, кромѣ всякого рук дѣла вписася [Дамаскин, слово 2]. И Андрей святый Критскій<sup>б</sup> глаголет: книга воистину жива, слова отча тайно вписаннаго, животворною тростію Духа [На Успен. Пресв. Богородици, Андрей]. Сїя книга премудрых превосходит разум, а любомудрыя и хитрословесныя, немудрыя и безсловеснїя творит, хотящїя же от нея научитися, из глубины невидѣнїя извлечит. Любомудрствоваше и хитрословяше проклятый Несторїе, уча Богородицу неглаголати, но Христородицу, сей мняйся быти премудр, обезумися. Прост бяше святый Роман<sup>в</sup>, пѣвец сей Богородицею научен, до тысящи Кондаков написа, явлейшей ему Пресвятѣй Владичицѣ нашей Богородици во снѣ, и свиток книжный тому вдавши, повелѣвши снѣсти, иже и отверз уста своя, поглону хартію, и исполнися премудрости. Сея Книги взыщи всяк хотяй учитися. Взыщи ю невѣжде, да научишися разума духовнаго, та бо наставляет к разуму Божественному всѣх, зарею ум просвѣщающаи. Взыщи ю горде, да научишися глубины смиренїя неудоб зримаго и Ангелскими очима. Взыщи ю, нечисте, да // обрацещи чистоты сокровище. Гнѣвливе с завистным, возьмши со собою вкупѣ и лакомаго, взыщита ю, да научитесь любви и духовныя нищеты. Чревообястне с лѣнливим, поищита Марїю, да воздержанїю и бодрости навькнете.

Дѣва Марїя есть премудрости Божїя приятелище, не наказаннїи наказуйтесе от нея, та со высоким проповѣданїем глаголет: иже есть безумен, да уклонится къ

\* Продовження. Початок у № 1 за 2009 р.

мнѣ. И требующим ума, рече: прїйдѣте, ядите мой хлѣб и пїйте вино, еже черпах вам, оставите безумїе [*Притчѣ, глав 9*]. Чудяшесе нѣкто, слыша вино, на не же призывается безумный, да упремудрится. Гдѣ бо вино дает премудрость? Паче обезумляет и премудрїя. Не без вины Апостол велит не упиватися вином: И аще мудр вином погубляет разум свой, то почто безумен на не призывается [*К Ефес. 5*]; точїю да безумнѣйшїй будет? Но рѣх ему нечудитесе, ино бо есть вино, то еже ум погубляет, а ино вино Марїи, яже сокровиществова в себѣ Божою премудрость. О вине ея Пророк извѣствует, яко не безумїем, но цѣломудрїем // упоет [*Захарїя глав. 9*], вино рече родящее Дѣвы. И кїя Дѣвы? Не буйя, но мудрїя приимшїя елей в сосудѣх со свѣтилники своими. Сим убо вином и буи нѣкогда умудрится. Несумнїя уже и ты, любимиче, о винѣ ея, но прїйди и испїй от нея премудрость со прочїими. Пить от нея Дамаскин, почерп усѣченною рукою. И коль упремудрися? Аки источник бысть источающ Премудрых пѣснїй потоки. Слыши, что егову старцу глаголет в видѣнїи Богородица: Не заграждай источника моего, то уже ни ты лиши себе сицеваго пїтїя.

Дѣва Богородица есть предводител; невѣжи наставляйтеся от нея. Наставляше иногда Гедеон триста вой Израилевых к боренїю со мадіамом, и странное в них бѣ видѣти к брани устроенїе: вмѣсто меча и копїи, свѣщи в руках держажу, и сим прогнан бысть супостат [*Судей 7*]. Мадіам адск борет мя, и како прожену его, не вѣм, настави мя, ты Богородице, имам бо тя свѣщу свѣтоприемную, ею же тма темных прогонится полков. Блажен и премудр есть прїдержайсїи свѣщи сей в мѣ //сто крѣпкаго оружія, безумен же есть нестяжавый ея. Дѣвы онїя пять, по вьегда свѣтилником их угаснути, буете и мя себѣ притяжаху. Неугасшїи же свѣща имущїи, мудри именовашася. Имѣяй ты себѣ в свѣтѣ, о Владычеце, сей вѣ истину мудр есть, ходяй бо во свѣтѣ твоєм, непадется. Не имѣяй же тя, буй и невѣжа, в тмѣ ходит; ходяй же во тмѣ, поткнется. Повелѣвашесе от Господа Моисеовѣ в исходѣ, да свѣтилник в храмѣ свѣдѣнїя никогда угаснет, но всегда да горит [*Исход 27*]. Се прообразоваше наставницу нашу пресвѣтлюю, о ней же приточник пред глаголя: Неугаснет свѣтилник ея всю ноц, сея свѣт всегда ум озаряет, всегда тму просвѣщает, всегда к разуму наставляет всѣх вѣрных [*Притч. 13*]. О всесвѣтлыи свѣте, просвѣти свѣтилник мой Госпоже, Богородице просвѣти омраченную душу мою.

### ПРАВОУЧЕНІЕ.

Всяк непокаянный грѣшник есть безумен, не имать разума. Ум или разум в человекѣ // есть едина свѣтлая свѣща, тму невидѣнїя отгоняющая, показующая же, что есть доброе, а что злое, и всегда человек на свѣтлыи завопѣдей Божїих путь наставляющая. Егда же человек не послушая добраго внутр просвѣщающаго его разума, уклонитесе по волѣ своей злои (зане прилежит помышленїе человеку на злая от юности его) [*Бытїя 8*] и поидет по своим похотем, дѣя неподобная, аще и вѣсть показующу ему разуму, яко зла вещь смертнѣ согрѣшати, за то бо имать вѣчнѣ казнен быти, небрежетъ же о сем, и не радить о грѣсѣ своем, тогда уступает ума, погубляет разум. И аки безумен в темности буйства заблуждает, о таковых псаломник: неувидѣша ниже разумѣша вѣ тмѣ ходят [*Псал. 81*]. И святыи Каллист: Не имут воистину свѣтлости Божественнаго разума, в злобѣ и безчинїи живущїи, яко же бо солнїчнїи луча закриваются от темных облаков, тако ум наш в души иншей, аки в полудне ясно свѣтящїи, потемняется буйством [*Наука 2 неделю, 27*]. А буйство кое болшее, яко же грѣх? Сице глаголет // Христом: ничто же есть злѣйше паче грѣха, буйми бо творит сїх, иже прежде разумом и премудростїю быша велицы [*Гомїл. 17 на Бытїя*]. Премудр быше Соломон, но коль обезумися грѣху работая? И инѣх не мало премудрых грѣхом погибоша. Малити убо требѣ прилѣжно Господа, да отгнав от нас буйство грѣховное, просвѣтит наш ум свѣтом разума святаго Евангелїя. Господи, вразуми мя и испытаю закон твой, и сохраню, и всѣм сердцем моим, благости и наказанїю, и разуму научи мя.

## ПРИЛОГ

Вѣтр свѣщу угашает, грѣх разума губит.

Отвергается Христа, иже злато любит.

Во странах персидских бѣ нѣкто Іерей именем Павел, благочестив и во мнозѣх добродѣтелях успѣвая. Имяше же едино ума окраденіе от сребролюбія, еже и погуби его. Како? Слыши: бывшу гоненію велику на христианы, он страха ради идолослужитель, бѣжа в гору пустынную и крияшеся, собра же с собою и злато свое, его же // зѣло много имѣяши. В тожде время и нѣкія дѣвы, числом пять, инокиня от разореннаго мучителми Монастыра, избѣгше крияхуся в горах, яже и обрѣтше сего Павла, близ его пребыша. Сія убо дѣвы бяху сіяюще добродѣтелми, и благоуханіем Святаго Духа исполнены. В правду рещи, подобны о нѣм мудрим дѣвам. Их же Божественное Евангеліе поминаеть, тако и сія украшены быша постническим житіем, и живяху с Павлом поюще и служаще с ним, дѣлающе день и ноц Божественныя Заповѣди [Матф. 25]. Ненавидяй же добра дѣвол, не терпя такова их житія и подвига, в нем же день и ноц преуспѣваху, слыша что совѣща оных, вніде в нѣкоего человека, вѣдущаго их, гдѣ криются, и шед повѣда началнику волхвов Саворія Царя Перскаго, и сказа ему сице: есть, рече, пресвитер нѣкій христианин, имѣяй злата многа, с ним же и пять инокинь криются. И аще хочещи взяти злато его, представи его судищу с постницами, яже с ним. И тѣм, не хотящим вѣры своєю отврещися, усѣкнеши // их и возмеш злато оно. Он же сія слышав, абіе послав ять съ Инокинями Пресвитера, и съ златом, и представи судищу своему. Тогда дѣвол вніде в сердце пресвитера, и глаголя Князю: почто восхищаша имѣніе мое, ни в чем тебе обидивша? Он же к нему рече: понеже христианин еси, и нехраниши заповѣди царевы. Павел же к нему: что ми повелѣваеш творити? Князь же: аще поклонишися солнцу, возми своя и иди, гдѣ хочещи. Тогда окаянный, видя злато, поклонися солнцу, и снѣсть от идоложертвенных, и пить от крове их. Волхв же видѣ, яко неполучи желаніе свое, рече к нему: аще сотвориши, да и постници поклонятся солнцу, и поймут себѣ мужа, то взем свое злато, пойдеши, где хотя. Павел же шед к постницам, рече: князь взя имѣніе мое, повелѣвает и вам сотворити повелѣніе царевое, и се аз поклонихся солнцу, и ял идоложертвенное, и вы убо сотворѣте се. Они же поплеваху лице его, и рѣша единоголасно ему: о, окаянне, не годѣли тебѣ своєю погибели, // но и нам тояжде хочещи. Се ты днешь вторій Іюда, яко же бо он злата ради продаде Учителя и Владыку на смерть, и взем злато, шед удавился. Тако и ты окаянне другій Іюда нравом обрѣтешся, злата ради погубив душу свою, понеже ниже в ум приял еси онаго богатаго, глаголющаго душѣ своей: душе, имаши злата много, пій, веселися. Сего ради слыша: безумне, в сію ноц душу твою возмут от тебе, а яже уготова, кому будет. Глаголем же ти, яко пред Богом стояще, яко обоє на тебѣ сбудутся, яже о Іудѣ, и о богатом. И сія рекше, паки поплеваху лице его, яко отступнику. Тогда повеленіем Князя, биени быша святыя дѣвы нещадно на мног час жезлѣм. Оны же глаголаша: мы Господу нашему Ісусу Христу поклоняемся, повеленію же цареву не повинуюемся, и еже хочещи творити – твори. Князь же всяко их прелщаше, и мысляше, како наслѣдовати злато Павлово, они же неповинушася. И повелѣ Павлу рукою своєю отсѣщи им главы, мнѣв бо яко не восхочет сего сотворити, и тако озмет злато его. Ока//янный же он сія слышав, и паки обрящся, видѣв свое злато, рече: еже повелѣваеш ми, сотвору. И взем мечь, прійде к ним. Святыя же дѣвы видѣвши его, удивившася, и единоголасно рѣша ему: о, окаянне, Пастыр сый нам даже до вечера, нынѣ же пришел еси, яко волк поясти нас. Се ли есть ученіе твое, им же нас по вся дни наказовал еси, еже за Христа умрѣти? Сам же ни мала восхотѣ пострадати зань, и без нужды отвержешя его. Се ли есть святое Тѣло и Кров, юже от нечистою твоею руку пріймахом? Вижд, яко меч иже в руку твоею, житію вѣчному нам ходотай есть. Мы убо отходим к Учителю нашему Христу, ты же, яко предрекохом ти, съ златом и душу свою погубиши скоро, и удавлен будеш вервом, и со Іудою сын геены будеш. Сія и иная рекше ему, сотвориша молитву, и усѣчены быша главы их от руку его. Тогда

волхв глаголя к нему: вижд Павле, яко ни в едином от христїян сице сотворша волю цареву, обретох яко же ты, сего ради без повелѣнїя царева не могу отпустить тебе, зане аще сїя // увѣсть, яже о тебѣ, мнѣ повѣдавшу ему, великой чести сподобит тебѣ. Нынѣ убо возвеселися с нами и пребуди при нас, заутра же скажем царю о тебѣ. Окаянный же отвѣща, буди яко же рекл еси. В ту же ноц посла волхв рабы своя вервом удавити Павла. Заутра же пришед, яко да постѣтит его, обрѣте его висяща, тогда осуди его, яко сам себѣ убійца быст, и повелѣ вон извлеци труп его из града, и поврещи псом на снѣденїе, и тако злѣ скончася. Волхв же злато его взять, и совершися пророчество святых Дѣв, окаянному Павлу сугубую смерть прїимшу, яко же и учитель его Юда. О, како един грѣх смертный, въ многое безумїе сего окаяннаго во верже; то колми паче многїя грѣхи и премудрѣйшаго могут ослѣпити и погубити.

## РОСА СЛЕЗ ИЗБАВЛЕНІЯ

Яко же кого Мати утѣшает, тако же и аз утѣшу вы [Исаїя гл. 62].

### Чудо 7.

В замку Чернѣговском живяше Капитан Войска его Царского // Пресвѣтлаго Величества, именем Андрей Рачкевич, съ женою своею вѣры Римской. Сего дщер в пеленах от великой боли бѣ нѣма и слѣпа, имуща очеса, великими струпы и гноем затекли. Юже к смерти приближшуся, отец и мати плачуща принесоста с вѣрою в Монастыр Ілинскїй, и положиста пред чудотворною Иконою Пречистыя Богородици, теплѣ о исцѣленїи дщере своя молящася. В то время чтащася соборнѣ Акафист Пресвятѣй Богородици по обычаю, бяше бо субота. В чтенїи же Кондаков и Іѳосов, отроковица она пеленами повита, пред Иконою лежаща, начат плачевен глас испущати, и иземше руцѣ от пелен очи протирати. // Родители возрадовашася, и подемше от земля дщер свою, узрѣша, и се яко чушуща струпы от очес отпадоша, и само дитя оно бысть на всем тѣлѣ здорово, еже видяще вси приключшїися zde, даше славу Богу и Богородици.

### БЕСѢДА.

Пророковаше Исаїя: у горы сея испїют радость, и пїют вино [Исаїя, 25]. Не вопрошаю тя, Пророчче, у коея то горы испїют радость, испїют вино, егда в горѣ Болдинстей сицевое питїе вижду, питїе же глаголю благодать Пресвятои Дѣвы, от Иконы ея чудеснѣ истѣкающую. То наша радость, то наше вино, еже всяк пїет притѣкаей несумѣнно; притѣкает zde печальный, и пїет радость. Притѣкает стѣтуай, и пїет утѣшенїе. Притѣкает болящїй, и пїет здравїе. Притѣкает немощный, и пїет силу. // Притѣкает грѣшный, и пїет спасенїе. Притѣкает праведен, и пїет надежду. Притѣкает беззаконен, и пїет утѣломудрїе. Притѣкает ненадежный, и пїет упованїе. Притѣкает невѣжа, и пїет разум. И вси притѣкающїе пїют от обилїя благодати ея поток сладости духовныя, она бо есть рѣка Божїя, даров наполненная. От ея же исполненїя и мы приемлем.

Повѣствует Давид, яко вино веселит сердце человѣку: и кое вино тако веселит сердце, яко ты, о Марїе, Лозо истиннаго винограда? [Пс. 103] Ты еси чаша черплющая радость, чаша же добра претрусна и преизливающаяся. Праведных цѣлою чашею радости напаяеши, грѣшных же тѣми каплями, яже от изобилїя чаши твоя преливаются; обаче нас и сими напои жаждущих. Аще бо псы ядят от крупниц падающих от трапезы господїй своих, то тыяжде псы и да пїют от каплѣй преливающихся чаши милости твоя, и довлѣет им [Матф. 7]. Силна бо есть едина капля твоя благодати увеселити сердце, якоже и цѣлая чаша. //

Пишет Іоан святой, яко в канѣ Галилеистѣм сотвори Ісус начаток знаменїям своим, претвор воду в вино, и яви славу свою [Іоанн, глав. 2]. Да будет ми лѣт рещи, яко начаток чудес своих Господь мой сотвори в Пречистой Дѣвѣ Марїи, тако ей чет Церков похваляя: Радуйся, чудес Христовых начало, zde то всѣх знаменїй и чудес Божїих главизна. Радуйся, велѣнїй его главизна. Зде яви славу свою, в утробѣ славнѣйшой Серафимов вселся, и сотворив спасенїю нашему начаток, и вѣчныя тайны явленїе [Ікос 2]. Тамо лучшее свое вино поставил на

конец брака, идеже можаху мнози уже быти и пьяни. Зде же вино сіе мысленное, глаголю, Мате свою Пречистую, поставляет в начало жажды нашея, егда жаждем спасеня, егда жаждем в бѣдах помощи, егда жаждем въ скорбех утѣхи. Жаждным нам ю подаеть, сице жаждным, яко же жаждеть елень на источники водныя. Вино брачное на время увеселило друзей жениховых; сіе же увеселяет на вѣки. Аще тамо от воды вино составися, и зде вся воды скорбій, печалій и недугов наших претворяются // въ вино радости, веселія и здравія. О, Пречистая, исполни веселія сердце мое, твою нетлѣнную даючи радость, веселія рождши виновнаго.

### ПРАВОУЧЕНІЕ

Двѣ суть слепотѣ: тѣлесная и душевная, но другая горша есть первая. Тѣлесная бо аще и всѣм видится зла, яко вкупѣ съ свѣтом вся утѣхи отемлет, по реченію Товіи святого: како мнѣ радость будет понеже в тмѣ сижу и свѣта небеси не вижду, обаче временна есть, вкупѣ с житіем человѣческим скончается [Товія, глав. 10]. По скончаніи же тоя, начнет человѣкъ зрѣти свѣт намерцающій. Нѣсть же и зла, ползет бо душу, и помагаеть спасенію. Отягу сущу очному зрѣнію, отемлется оказіа къ грѣху [Вина]. Никогда сердце не вожделѣет, аще око не покажет, и егда что внідет през ока до сердца, не скоро исходит от него, отколь глаголет Григорій святой: единою образ лица сердцу чрез очи привязанный, неудоб великоя нужды рука отрѣшиться можетъ [Св. Григор. на Іоан. глав. 31]. И римский древній мудролюбец Сенека, нѣкоего в слѣ//потѣ утѣшая, глаголет: яко слѣпота есть частью невинности, а очи грѣхов предводителми: плачеша, рече, яко погубил еси очеса. О, коль многим вожделѣніемъ путь тебѣ пресѣченъ есть? О, коль многих вещей зрѣти небудеши, их жебы тебѣ видѣти неподобало? Или не вѣси, яко слѣпота есть частью невинности [В щитѣ терпенія, в Книзѣ 2, глав. 24]. Очеса кому показывают нечистоту, кому домы, кому имѣнія и многообразное зло. Воистину очи грѣховъ суть вожды. Аще убо очеса сице вредятъ душу, то слепота, отемлющая вину вреда, есть неполезна, но и спасенію виновна. А душевная слѣпота, о, коль зла и душевредна, егда отемлетъ намъ то, в чесомъ вся радость, все блаженное наслажденіе угодниковъ Божіихъ залежит, в чесомъ вся труды покой имутъ. Вся подвиги вѣнца носятъ, вси добродѣтели похвалу и мзду приемлютъ. Се же есть виденіе лица Господня, то бо конецъ и пристанище всего скорбнаго пути, его же кто шествуетъ, не почто ино, точію да видитъ лице Господне. Когда прійду и явлюся лицу Божію, на //сищуся, внегода явитмися слава твоя. Того всегда лишаетъ насъ слѣпота душевная, нечестивіи не узрятъ славы твоея, Христе Боже, и то само горѣесть паче всякого зла [Свт. Дамаскин]. Яко же бо лице Господне видѣти, блаженѣесть паче всѣхъ небесныхъ блаженствъ, тако неведѣти его, лютеѣесть паче всѣхъ адовыхъ мучительствъ. Тако расуждаетъ Златоустый ꙗ святой: аще бы кто повидѣлъ тисячу геен, ничто же сего рекл бы лютеѣе, еже отъ блаженнаго славы чести изгнану, и отъ Христа возненавидѣнну бытии, и слышати отъ него: не вѣмъ васъ [Златоустъ на глав. 7. Гомилія 24]. Слѣпота же душевная есть: не познаніе себе, не провидѣніе грядущихъ бѣдъ, смерти, суда и геены и вся смертны грѣхи и страсти. В нихъ же кто обыкнетъ и нехощетъ прійти в чувство. О таковой душевной слѣпотѣ премудрость глаголетъ: Ослѣпи ихъ злоба ихъ и неувидѣша таинъ Божеихъ, ниже мзды уповаша преподобія [Премудр. 2]. И Даніилъ Пророкъ: развратиста умъ свой и уклониста очи свои, яко невозглядати на небо [Даніилъ 13]. И псаломникъ: очи свои возложиша уклонити на землю [Пс. 16]. Сице // ослѣпленнымъ не являетъ Господь лица своего, глаголетъ у Іереміи: хребетъ, а не лице покажу имъ [Іереміи 18]. Заповѣдуютъ врачеве здравому, дабы не присмотревался болящимъ или ослѣпленнымъ очесамъ, да не здравые зѣніи повреждаются. И Небесный врачъ, от ослѣпленія нашего, лице свое съ свѣтлыми очесами своими отвращаетъ. Отвращеніемъ, рече, отвращу Лице свое отъ нихъ в той день, злоб ради всѣхъ, яже сотвориша [В Закон. Глав. 31]. Егда же Господь отвращаетъ отъ насъ Лице Свое, тогда вся бѣды насъ постигаютъ, еже самъ изъявляетъ: разгневаюся яростію на ня в той день и оставлю я, и отвращу Лице мое отъ нихъ, и будутъ во изъяденіе, и обрящутъ я зла многа и скорбы [Тамъ же]. Того ради Давидъ сѣтуетъ: Отвратил еси Лице свое, и быхъ смущенъ, отвращшу же тебѣ Лице

возмятутся [Псал. 29]. Воспрянем убо и къ благому врачу, просвѣщающему всякого человекѣ, съ слѣпотою нашею душевною притечемъ молящся: душевными очима ослѣплен, к тебѣ Христе прихожду, яко же слѣпый от рожденія [Конд. в Неделю 6 по Пасцѣ]. Не отвержи мене от лица твоего, не отврати Лица твоего от отрока твоего, яко скорблю [Псал. 8]. // Тебѣ рече сердце мое, взииска тебе лице мое, Лица твоего Господи взищу [Псал. 68. Псал. 26].

### ПРИЛОГ

Ослѣпленный душею, ослѣп и тѣлеснѣ.

Гробный тать окрадеся, збыв очес болеснѣ.

Повѣда нам Авва Іоан, яко единою вшедшим нам, аз и отец Софроніе, въ притвор великія Церкви Александрійскія, никого же обретохом, токмо три слѣпца сидяща. Приступихом убо близ их с всякою тихостію, и сѣдохом молчаше. Слепци же ненадѣющеса нас быти тамо, бесѣдоваху к себѣ, и глаголя един к другому: воистину, брате, рци ми, како быть слѣп? Он же отвѣща: Еще юну ми сущу корабленник бѣх, и плувшим нам от Африкіи, в пучинѣ ослѣпох, белмо прием на очію моею. Глаголя же къ другому слѣпцу: Ты же како ослѣпе? Той отвѣща: Гутник бѣх, и от ярости огненныя ослѣпох. Рѣша же уму оны, ты како ослѣпе? Он же отвѣща, истину реку вам братіе, егда бѣх юн, // не хотѣх дѣлати рукама моима. Не имый же чим питатися, крадах. Но вегда же сотворити ми много зла, въ един от дній стоящу ми на торжищи, зрѣх несомѣна мертвеца на погребеніе, одѣянна въ ризы честны. Послѣдовах убо им, да вижду, гдѣ погребут его. Они же принесоша в Церков свягатаго Іоанна, и погребоша его. Шед же аз нощію, откопах гроб и свлекох его от рыз, на нем же бяху, оставль ему един хитон точію. И яко хотѣх отийти, взем много зѣло, злый обычай глаголя ми: Возми и хитон, яко добр есть. Возвратих же ся окаянный, и яко хотѣх совлещи хитон его, и оставити его нага. Встав мертвый и сѣде предо мною, и протяг руцѣ свои на мя. Персты своими содра лице мое, и изъят обѣ оцѣ мои. Тогда окаянный аз оставль все, съ многою скорбію едва избѣгох из гроба. Се, братія моя, сказах вам, како бых слѣп. Яко же сія слышахом мы, по маа ми отец Софроніе и отлучихомся от них, и глаголя ми отец: Воистину отче Іоанне много ползовахомся днесъ. Написахом же сіе // ползы ради слышашим, да увѣдят вси, яко всяк творяй зло, не может утаитися пред Богом.

### РОСА УЗОРѢШИТЕЛСТВА.

Разрѣшила еси съ уз человекскій древняго осужденія, тѣм молю тя Богородителнице, разрѣши всякъ съ уз злобный сердца моего, связавши мя Пречистая Божественною любовію жидителя.

[Дамаскин: в Октоиху, глас. 2. В Четверток на Павечерници: Пѣснь 8].

### Чудо 8.

Близ Чернѣгова есть весь, нарицаемая Холявин<sup>а</sup>. З тоя веси человекъ бѣсный, именем Ярмола, приведен бысть к Чудотворной Иконѣ Пресвятыя Богородица в Моснастыр Илинскій. Иде же в Неделю Свягатаго Духа, по святой Литоргіи, ради зѣлныя в нем дѣмонскія крѣпости, в папѣртѣ Церковной, привязану ему сущу, отвязаня и опутанна // бѣсовскаго бысть раздрѣшен силою Богородичною.

### БЕСѢДА.

Кто либо во узах сый хочещи отрѣшиться и свобод быти, zde внемли: Марія раздрѣшает узы, та дает свободу. Связа иногда Олоферн Ахіора къ древу рукама и ногама, и кто его отрѣши? Град Вефулія: сынове Израилевы исходяще от Вефулія, приидоша к нему, и разрѣшивше его, привелоша въ Вефулію [Юдиф. Глав. 6]. Вефулія бѣше образ Богородичин, яко же бо град он не долѣн бысть врагами, тако ни Богородици одолѣвають вси хулящій ю. И яко от Вефулія рука женска устѣче главу Олофернову, тако Богородица обезглавит тмы князя. И яко жители Вефуліи Ахіора от древа отрѣшают, тако молитвы Богородичини рѣшает всякаго Олоферном адским связаннаго. Благополучен еси Ахиоре, яко аще и связан был еси, обаче близ Вефулія прообразующея Матер Иисусову, // точію бо сѣнію тоя, приял еси отрѣшеніе. Благополучни и мы, приближающіи к самой Богородици, тою бо чаем избыти уз наших.

Не единого от нас враг наш невидимый вяжет, то коим недугом, то страстьми. Вяжет недугом, яко же реченного человекѣка. И в Евангеліи чтется о нѣкоей женѣ, связаннѣй бывшей от сатаны немало лѣтъ: сію дщер Авраамлю сущу, юже связа сатана се осмое надесят лѣто [*Лука 13*]. Недостояше ли разрѣшиться ей от юзы сея. Вяжет нас враг страсти, на весь мір своя распростерши сѣти, яко же видѣ святой Антоній<sup>е</sup> от земля даже до небеси, тѣми уловляет нас, аки птицу. Глаголет святой Амвросій<sup>е</sup>: яко же птица, тако душа наша многоразличными видами уловляется: сило в златѣ, сѣть в сребрѣ, пленици в имѣніях, узы в любодѣяніи [*О добрѣ и сметри. Глав. 5*]. Егда злато собираем, удавляемся. Егда сребра ищем, уловляемся. Егда имѣнія наслѣдствуем, затязаемся. Егда кого доброта денская прелщает, сего узами связует. Того ради плачет Иеремія: // ловяще уловиша мя, яко птенцу врази мои туне [*Плач. 3*]. Въ сицевых узах что сотворим? Возопіим к Богородици, тою яко Ахіор Вефулією будем разрѣшенны. Вефулія излагается Дѣва, и кая дѣва сице есть силна разрѣшати узы, яко Дѣва Марія? Та имать власть вызати и рѣшати. Но кого она вяжет? Кого же рѣшит? Вяжет Сына Божя на Землѣ пеленами, вяжет и в Небесѣ молитвами. Да елико связася на земли, будет связан и на небеси. И толико его на небеси молитвами вяжет, яко ниже руку ему воздвигнути во еже ударити казнею грѣшника. И аще бы не она его связовала Матерними молбамы, уже бы в ад вселилася душа наша. Аще бо не бы ты предстала Мольбодны [*Параклис*]. Кого же та узорѣшительница разрѣшает? Нас связанных грѣхами, сице к ней молимся: разрѣши мглу прегрѣшеній моих Богоневѣсто [*Там же*]. Нибо терпит рода человекскаго связана зрѣти, сущи свободы Мати. Связаны быхом клятвою все//родною, юже наведе праМати Евва, сію разрѣши Дѣва Богородица: Радуйся, клятвы разрѣшеніе, падших исправленіе [*Акафист на Хвал.*]. Связаны бѣху неплодіем Родители ея Іоаким и Анна, и сія узы она разрѣши: днесь безчадія узы разрѣшаются, Іоакима и Анны услыша Бог, паче надежды родити тѣма явѣ общаваает Богоотроковицу [*Троп. Девам. 9*]. Нераждаем и мы добродѣтелей плода, аки смоковница неплодная, связаны бо есмы узами грѣхолюбія. Взыщѣм прилѣжно от узорѣшительки разрѣшенія, тоя молитвами разрѣшеніе уллучивше, принесем плод Духовный: любы, радость, мир, долготерпѣніе, благость, милосердіе, вѣру, кротость, воздержаніе [*К Галат. 5*]. О, Мысленная Вефуліе, разрѣши мя пленницами грѣхов связаннаго, да достойны сотворю плоди покаянныя.

## ПРАВОУЧЕНІЕ

Не точію своими хитросплетенными пленницами, но и нашими свойственными враг нас связует, егда мы возлюблше кую страсть, самы ея держимся, о ней любезнѣ помышляюще, и ту мысль в сердцѣ сладцѣ у//державающе, и неточію исполнити желающе дѣлом, но и благополучнаго на се времени ищуще, и самы оказію себѣ подающе до грѣха, отсюду глаголет приточник: пленцами грѣхов своих каждо затязается [*Вину Притч. 6*].

Юн нѣкто моли старца молитися о нем, да облеглают ему страсти, яко зѣло ми, рече, стужают и не могу терпѣти. Молившу же ся святому немало время с постом и бдѣніем, прійде юный повѣдая, яко нималу имать ослабу от навѣта вражія. Чуди же ся преподобный како не успѣвают молитвы его, и приложи пост к посту, бдѣніе к бдѣнію, труды к трудом, моля Господа да отженет искусителя от юнаго. И се явися ему бѣс глаголя: Что труждаешься старче о нем, юном; аз повнегда ты начал о нем молитися, отступих от него. Но той сам себѣ бѣс, ядый и пияй безвременнѣ, и спяй доволѣ, упоковая свое тѣло, живя в праздности, и приемля любезно скверныя мысли, сих удерживая, и в них услаждаяся, и то ему возбужает страсти, зачинает // грѣх и родит беззаконіе. Смотри како отец лжи глаголет истину, воистину бо от нас самѣх, от нашего произволенія, множицею дѣются неподобная, по реченному: А еже от них бываемая отай, срамно есть и глаголати. И мы сами волною волею, многаши виновни погибели наша бываем. Убо возненавидѣм грѣхи наша, отсецѣм страсти наша, непріемлѣм сокровенных

мыслий, ниудержаваймо их в сердце нашем, в пици и питїи будѣм воздержны, въ снѣ бодры, в дѣлѣ не лѣнны, тако разрешим пленици грѣхов наших, расторгнем узы их, и отвержем от нас иго их [Псал. 2]. Внемлѣм Апостолу совѣтующу: да не царствует убо грѣх в мертвенном вашем тѣлѣ, въ еже послуша ти его в похотех его, ниже представляйте уды ваша оружїя неправды грѣху, но представѣте себе Богу, яко от мертвых живы, и уды ваша оружїя правды Богу, грѣх бо вами владѣти не будет [Рим. Гл. 6]. Яко же бо представите удеса ваша рабы нечистотѣ и беззаконїю в беззаконїе, тако и нынѣ представѣте удеса ваши рабы правдѣ во святїню. //

## ПРИЛОГ

Аще и связан баше, но исповѣдися,  
Воин Христов от жены скверной неведися.

Святїй Иероним\*, пиша житїе Преподобнаго Павла Фивейскаго<sup>3</sup>, вначалѣ приводит нѣкоего юношу египетска, его же Пролог Философа наречет, Дрезелїй<sup>4</sup> же сего Никиту именует. Сей в царство Декїя по Христе страда, его же немогуще лестными словесы отвратити от Христа, умыслив хитрѣ мучитель да девство его растлится, сицевым образом [Пролог мая 31 дня]. Во вертоградѣ зѣло краснѣм, посредѣ цвѣтов благоуханных, источников звинящих, посредѣ древес шумящих тихим вѣтром и птиц поющих краснѣ, повелѣ уготовати одр, порфирию и виссоном устланнїй, и на нем юношу святого положше лицом ко небеси, руцѣ и нозе к одру мякими шолковыми платїи привязати, яко ниже двинутися ему. Сему же бывшу, вси отидоша, оставше его единаго на одрѣ тако лежаща, и се прїйде от сада жена юна, и лицом свѣтла. // Сїю узрѣв очи смѣжи, но невозможе ушес заткнути, ниже рукама отягнися ей, связан бо баше. Она же приступлши к нему, нача благими словесы прелщати его, и глаголаше яже ко любодѣянїю. Сему же молчащу, она начат лобизати его, и безстуднѣ осязанїем дерзати, яко уже в юном тѣлеси возгорѣтися огню похотному, и невидяше, что сотворити страсотерпец, нибо можаше ю от себе отринуты, ни лица от сквернаго лобзанїя отвратити, ни ушес от неподобных ея глаголов заградити, ниже извинитися от руку ея, яко иногда цѣломудреннїй Иосиф в Египтѣ от Пентефрїи. И зри что творит доблїй страдалец: стиснув зубами язык свой крѣщѣ, и пресѣче его, и плюну отсѣченнѣм языком налице блудници. Сему же бывшу, болезни велика со излїянїем многим крове, угаси пламен его. Жена же видѣвши невиданное, ниже слышанное когда сіе дѣло, отвѣже трепещущи. И видя мучитель, яко ничим же может преодолѣти непреодолѣннаго Христова воина, мечем главу его усѣче. О како странен образ храненїя чистоты и цѣломудры. //

## РОСА СИЛЫ МУЧАЩЫЯ НЕВИДИМЫХ МУЧИТЕЛЕЙ

Радуйся, невидимых врагов мученїе.

### Чудо 9.

От стран полѣских прїйде к Монастиру Илинскому человек нѣкїй, именем Михаил. Сей страждаше от духа нечистаго, но воскорѣ zde силою благодати Богородичной, от образа ей бывающей, избавлен бысть от той болѣзни. За что благодарячи свою благодѣтелку Пресвятую Богородицу, труждался в монастырском послушанїи не малое время.

### БЕСѢДА

Мнози бяху мучители, различныя образы мук изобрѣтающїи на человека. Кто мечи, кто огни, кто разженныя волы и сковрады, кто кипящую смолу и елей, кто // во водах потопленїе, яко глаголати святѣм Мучеником, пройдохом сквозѣ огонь и воду, но ни един тако лют мучитель, як дїявол, ни едина лютѣйшая мука, паче муки духа лукаваго, иже множицею во вергает человека во огонь и во воду, да погубит его. Не малы и во адѣ глаголют быти мучительства: огонь неугасимый, скрежет зубный, черв не усыпающїй, и прочїя. Но ни тья суть точны дѣмоном, глаголет бо ся: Яко точїю видѣнїе их страшнѣйше есть паче всякоя муки. Сих страшных и прелютых мучителей, кто умучити, и от мук их кто избавити может?



Может Пресвятая Дѣва Марія. Ярашеса Авимелех на братію, их же и избави, на Сихем, его же и запали, на Фивис, его и обсеѣдѣ, и кто его прещенія яростнаго неубояся? Все пробѣгши, крияхуся, все изыдоша на столпы и защищахуся [Судей гл. 9]. Обаче не убояся жена, но и прещеніе его укроги, и ярость попра, сверже изломок жерновный на главу Авимилеха, и сокруши ему тѣмя. Се образ быше Благословенной в женах, яже каменем, // Христом, порози на главу адска Авимилеха, убивающаго ны, он человекубійца искони, и запалющаго ны, огнем страстїи. От юности моя враг мя искушает и страсти палит мя. И обсеѣдающаго ны своим ловленіем, сѣть препя ногама нашими, при стези соблазны положил нам. Мимо иду zde Іаил, яже колом проби главу Сисаррѣ, ниже возбесѣдую о Юдифѣ, обезглавившей вождя вой ассирійских. Обѣ тыя бяху сѣновное прописаніе Дѣвы Маріи, стершой главу мучителю [Глав. 9]. Кому бѣс язва, Марія бѣсом рана. Радуйся бѣсом многоплачевный струпе [Акафист, Ікос 2]. Кого Дуси лукавіи смущают, она Духом Святым осѣннена, духов лукавых мучит, яко вопѣти им к Сыну ея: пришел еси прежде време мучити нас. Все убо боящїися бѣсовскаго мучительства, к ней прибѣгнѣм вопїюще: о, Всепѣтая, грядущаго нас изми мученія.

### ПРАВОУЧЕНІЕ

О свяком вчистотѣ прождающем дни своя, глаголатися может яко стра// ждет от духа нечистаго. Гдѣ бо тако дух нечистый жити любит, яко во удесех блудничых? Совѣтоваше иногда Ангел Рафаил Товїи пояти себѣ в жену Сару, отрече ему Товїа, глаголя: слышах, яко дана бѣ седми мужем, и мертвы суть, но и се слушах, яко демон уби я [Товїа глав. 6]. Отвѣща ему Ангел: послушай мя, яз ти скажу, над ними же демон имать власть, сїи иже оженяются сїце, да Бога от себе и от своего ума отгоняют. И свему блудству тако настояят, яко конь и меск, над ими дѣмон имать власть. Но что глаголеши о Ангеле, яко над тѣми точїю имат власть дїавол? Не имат ли власти над инѣми грѣшниками, над гордыми, над завистными, над гнѣвливыми, над обястными, над пяницами и прочїими? Имать воистину, пишет бо ся в Апостолѣ: творяй грѣх – от дїавола есть. Обаче паче инѣх власть свою в блудницѣх распространяет, ибо суть свойственнѣ еговым жилищем.

Изгоняше иногда Господь бѣсы от бѣснаго, их же бяхе легион. И се молят его да не повелит // им ити во бездну, но во свинїа пасомыя при водах, и повелѣ им Господь. Они же изшедше, внїйдоша в свинїа, яко во свой дом свойственный. Двое zde два учителя заходнїи усмотрют, Августин<sup>1</sup> с Петром Хризологом<sup>1</sup>, первое: Почто бѣсы горды суще не просят внїйти въ великія и славныя кія звѣры: во львы, риси, слонѣ, еленѣ и прочая, но во безчестныя свинїа? Второе: почто Господь не отрече им, но скоро повелѣ, понеже первѣе ни единого их прошенія послушати хотяше: просиша да каменїе хлѣбы будут, да вержет себе низу со крила Церковнаго, он же никако их послуша, въ свинїа же внїйти без отреченія попускает. И отвѣщавают на се: всяка, рече, вещь подобная себѣ ищет. Бѣси суть нечисты. Тако Господь наричет бѣса изгоняя: душе нечистый, изыди от человека [Марко 5]. Нечисты же суть и свинїа, в блатѣ валяются, их же и мяс ясти, яко нечистых неповелѣваше во ветсѣм завѣтѣ. И того ради бѣсы во свинїа, нечистый в нечистых внїйти просят, яко подобнїи подобных любят. Тако Хри//залог, зри рече, гдѣ бѣс хочет жити, в нечистых животных и мерзких, и он бо нечистоту любит. На второе же отвѣщавает Августин блаженный: того ради повелѣ Христос внїйти бѣсом в оны свинїа, да покажет, яко оны в тѣх живут, иже во мерзостех, яко же свинїа въ блатѣ валяются. И кія то суть, иже яко свинїа въ блатѣ в мерзостех живушіи? Воистину сїи иже нечистотѣ тѣлесной служат, тако повѣствует святой Христом: и что зло несодѣлает плотская сласть, от человека свинїю творит [Гомилїя 99, к народу]. И прилагает он учитель, что в таком, яко же в дому своем, дїавол прибывает, таков, рече, человек ничим же разнствует от бѣснаго, сїце есть безстудей: сїце яр, сїце злобен, яко же бѣсный. Гдѣ нечистота, тамо и бѣс. Повесть чтах у Проспера, иже живяше въ времена Августина блаженнаго, яко в Карфа(г)енѣ бяхе нѣкая дѣва от Аравїа, иноческа одѣянїя носящи. Сей случися видѣти образ языческа богини Венери, зѣло безстуднѣ

изображенный. Отсюду // прїять скверную мысль во сердце. Да яко же в ней надолзѣ усладжашеся, распалешеся похотїю, и соизволяше мыслїю, и бысть бѣсу жилище. Внїйде бо вню дух нечист и мучаша ю. Зри како замышленная точїю нечистота, уже бывает вертепом разбойнику дїаволу. То что речем о исполненной дѣлом? Убоимся убо братїя, сїя слышаще. Хранѣмся нечистоты да нетаяжде постражем. Очистѣм себе от всякоя скверны плоти и духа, творяще святыню в страстѣ Божїи. Поревнуим тѣм, иже и смертїю пострадаша, цѣломудрїя ради.

### ПРИЛОГ

Умрѣти, неже жити изволи,  
да чиста будет, Дѣва жениха небеснаго и ста.

Отроковица нѣкая христїянска восхищена бысть от Персов, и ведоша ю къ князю их, бѣ бо красна зѣло. Непрестанну же молитву въ сердци слезами Владицѣ Христу възсылаше, яко да сохранить ю нескверну от нечистиваго их князя, юже и услыша Бог, подаде бо ей сице//вое умышленїе. Егда нечестивый князь видѣв ю, уязвися добротою ея, и восхотѣ быти с нею. Она смысленна сущи, глаголя к нему: се вижду Господине мой, яко аз от дне сего жена твоя имам быти, и Госпожа всѣм имѣнїям твоим. Но любя тя молю тя, остави мя ноц сїю, да скажу ти заутро чудну вещь. Князь же вопроси ю, и каая есть вещь? Отвѣща: былїе, рече, нѣкое вѣм, еже аще покажу ти, не имаша убояться на раты [на войне] ни меча, ни стрѣлы, ни инаго оржїя, вреждающаго тѣло. Он же рече: заутро речеши ми сїе, нынѣ же буди со мною. Она же рече: немощно сему былїю повѣдану быти от жены расглѣбны, но от небрачныя Дѣвица. Понеже аще не сице, яко же глаголю ти, то не дѣйствует былїе оно. Слышав же князь сїя, отпусти ю в ту ноц. За утра же глаголя к ней: гряди и скажи ми былїе оно. Блаженна же отроковица, шедши с ним единѣм во вертоградѣ, и взявши былїе нѣкое, еже обрѣте ту, рече к нему: се былїе еже рѣх ти. Он же к ней: и како увѣм, аще истинна есть, яже ты глаголеши? Она же, взявши, // помаза шию свою тѣм былїем, и рече ему: возми меч остр, и замахни крѣпко обѣма руками, и удари елико можеша, и от сего увѣси, яко ни мало мене коснется меч твой. Он же вѣровав словеси ея, и взял меч, принесе на главу святыя Дѣвици, замахну и удари, и отсѣче главу ея. Послѣди же разумѣв, яко поруган бысть от нея, нача скрежетати зубы своими на ню, но что успѣ? Уже бо мудрая дѣва отиде нескверна к Христу жениху своему, оставши предивен образ, хотящим чистоту сохранить. О окаянныя нечистоты наша, мы ниже малыя страсти претерпѣти хоцем доблественнѣ. Сїя же смерть пострада, да сохранит дѣвство свое нетлѣнно.

### РОСА ПРОГНАНІЯ ЛУКАВЫХ ДУХОВ

Радуйся мучителя безчеловѣчнаго измѣтающая от начальства. Ікос 5.

#### Чудо 10.

З литовской страны, от предѣл града Мѣнска<sup>н</sup>, человек именем // Демян, имый духа лукава мучащаго и. Слышавши о чудотворной Пресвятой Богородици в Монастиру Ёлинском Иконѣ, и о бывающих при ней скорих исцѣленїях, ятса пути, несый со собою бѣду свою, злаго мучителя. Егда же бяше близ, противу Церкви Пресвятой Богородици Елецкой, стоящей между Чернѣговом и Монастирем Ёлинском, (еще же тогда та Елецкая Церков бяше пуста и не бѣ никого при ней живущаго)<sup>к</sup>, начать его бѣс мучити, по землѣ валяти, пѣны тѣща. Случи же ся тѣм путем Иноком ити от Града в Монастир, иже видѣвше его, сожалишася зѣло, видяще таковое му//ченїе его. И взявше, ведоша к Иконѣ Пресвятыя Богородици, в Монастир Ёлинскїй. Да яко введоша его в Церков, в той час изыйде из него лукавый дух, он же быст здрав благодатїю Богородичною, и многое время в Монастирѣ том послужа.

### БЕСѢДА

Невѣста коего духа еста вы, речеся иногда нѣкїим учеником Христовым [Лука 48]. Нынѣшних времен, егда бы кто восхотѣл присмотрѣтися различным различным людїй духовом: духу гордыни, духу неправды, духу лукавства, духу вражды, духу рвенїя, духу ярости, духу ненависти, что бы рекл? Точїю се: невѣста коего духа

еста, каждо бо своим духом дышит, а не яко же прежде, вси единым дышаху, живуще в любовѣ единодушни, единомудренїи. Нынѣ же друг друга раздражающе, друг другу завидяще, // суть многодушны. О душѣ своей сице другїи небрежет, яки бы не едину, но многїя имѣл души: погублши едину, имать прозапас другую и десятую. Сицевых достоит нареци бездушными, не хранят бо душа своя в живот вѣчный, имуще в сердци своем много духов злобных собранных, яко событися глаголу Давидову: сердце его собра беззаконїе себѣ. Но кто от нас сїа беззаконныя отженет духи? Та на ню же Дух Святыи найде, и сила вышнїаго оствѣни, аще точїю Духом сокрушенным и смиренным к ней приобѣгнем.

Мучаше иногда Саула бѣс, Дух Господень отступи Саула, и давяше и дух лукавый [1 Царств 12]. И что творят отроки его? Ищут Давида со гуслими. И быст егда быти духу нечисту в Саулѣ, прїим Давид рукама своима гусли, и пояше и, и отдохну Саул, и благо ему быст, и отступи от него дух нечистый. Откуда гуслим сим сицевая сила, яко возмогоша единѣм подвиженїем струн отгнати от человекѣа духа лукаваго, его же едва кто прилѣжною молитвою и великим постом, несумѣнною же вѣрою изгнати может? От сюду, яко прознаменоваша Дѣву Богородицу, тако бо ей чтет Церков: Радуйся Бого-Отца Давида составна цѣвнице Духа Святого [Акафист Успенїю, Икос 5]. И то прогоняше духа лукава, яко в тых гуслих бѣше прописанїе Матере Господни, ея же молитвы аки струны егда возгласят пред Богом, ябїе вси Души лукавїи пробѣгают, аки прах вѣтром возмѣтаемый. К сей убо воззовѣм молящися, да проженет от нас духи лукавыя, и да умолит Бога Дух прав обновити во утробѣ нашей. Молитвеннице теплая, непрестай молящися о рабѣх твоих.

### ПРАВОУЧЕНІЕ

Не точїю пред Саулом, но и пред Богом Давид пояше в гусли, глаголет бо: Пою тебѣ в гуслих Святыи Израилев [Псал. 70]. Пояше пред Саулом, да отженет злаго духа. Пояша пред Богом да привлечет благаго духа, уста, рече, моя отверзох и превлекох дух. Дух же благїи наставляющ на землю праву. Но в кїа гусли пояше Давид пред Богом? Чаю болѣе неже во вещественныя, пояше в гусли мысленныя. // Си есть в Божїа оправданїа, сохраняя их. Оправданїа твоя сохранию, неостави мя до зѣла [Псал. 148]. Божея бо заповѣди в правду гуслими нарецися могут, ибо яко же в гуслих, аще едина струна не будет настроена, вся гусли несогласну издадут пѣснь. Тако в заповѣдех Божеих, аще едина неисполнится, то вся нивочто же, аще кто в едином согрѣшит, глаголет Іаков: быст всѣм повинен [Іаков, глав. 1]. Егды убо и мы хоцем отгнати от себе злобныя духи, привлещи же благаго духа, прїймѣм гусли Божїа заповѣди, и тыя сохраним вся, аще бо не вся сохраним, то nebude приятна пѣснь наша Богу. Давид глаголет: яко благо есть исповѣдатися Господови, и пѣти имени его, в десятиструнной псалтири с пѣснїю в гуслих [Псал. 91]. Чрез десятиструнную псалтир, учителїи разумѣют десятирїцу Божїих заповѣдей. Егда кто въ вся сїа струны воспоет, си есть, егда вся исполнить повелѣнїя, сего благо есть исповѣданїе.

Поминает Господь в Евангелїи жену, погублшую от десяти едину драхму, како со прилѣжанїем // ея ищет, вжигает свѣтилник и помѣтает храмину, и ищет прилѣжно, дондеже обратит, обрѣтши же созывает другиня и сосѣды, глаголющи: сорадуйтемя, яко обрѣтох изгибшую драхму [Лук. 15]. И что се есть, яко сице радуется о обрѣтенїи десятоя драхмы? Не без труда чаю стяжа себѣ драхму первую, и другую, и третюю, и прочїя, но ни о единой сице радуется. Егда же обрѣте уже десятую, тогда созывает другиня и сосѣды сорадоватися ей. Григорїи святыи учит: Яко десятая драхма знаменует десятую Божїю заповѣдь. Нерадовашеся убо жена обрѣтши первую, и вторую, и третїю драхму, но возрадовася о десятѣй, показуя, яко не имат чесо радоватися человекѣ, сохранив Господню заповѣдь едину и другую, но тогда поистинѣ възрадуется, егда и десятую совершит, аще повелѣнїя Господня дѣлом исполнит, тогда рече, непостыждуся егда призрю на вся заповѣди твоя [Псал. 118]. За преступленїе же и малыя заповѣди казнит Бог неточїю злаго, но и добраго, не в будущем ли, то в нынѣшнем вѣцѣ. Яко же бо у него и ма//лая

добродѣтель без воздаянїя, тако и малое прегрѣшенїе без казни не бывает. Праведен Судїя, и комуждо въздаст по дѣлом его?

### ПРИЛОГ

Грѣшнаго малу правду добрѣ zde воздано.  
Праведнаго малый грѣх смертю покарано.

Повѣдаше святыи Афанасїи<sup>а</sup> о нѣкомем отци, отшелнику добродѣтелном, знаменїи и чудесы сїяющом. Сего отца ученик, нѣкоя ради potrzeby послан, иде в град, в нем же бѣше нѣкто богат, зол и немилостив, небояйся Бога. Входящу же ученику во град, се видит онаго богатаго уже умерша, и провождают его къ гробу со свѣщамы и фимїяны. Пресвитеры и дїяконы, и мног народ поюще: Со святымы покой Христе душу раба своего. Дивляше же ся како с великою честїю погрѣблют его, аки святаго нѣкоего, сотвор же повелѣнное ему дѣло, возвращашеся в пустыню. Да яко приближися к келїи старца, обрѣте правителя своего святаго и честнаго отца, пред дверми келїя, звѣром у еноу // изыденна. И начать плакати и рыдати горко по старцу, падая над костми его и бїяся, в горести же душа своя глаголаше к Богу: Господи, како злыи он богатый славно умре и честно погребен; А сей духовный старец, толико лѣт в трудѣх постнических, в молитвах и слезах препровадивый, горкою и безчестною смертїю скончаша, изыдей звѣрем. Всуе труд наш пустынный, всуе тѣснота житїя нашего, всуе отреченїе наше, понеже мїрстїи людїе во пространствѣ и всякой утѣсѣ живущїи, лучшей кончины сподобляются, неже мы бѣднїи. Се ему глаголющу и плачущу, ста пред ним Ангел и рече: что жалѣши по старцу и плачещи по своем учителїи? Богач оный во всем житїи своем злом, имѣяше едино малое доброе дѣло, и зато прїять мзду на земли честное погребенїе, да тамо доконца осужден, идет в геену. Твой же отец и учитель честный, всякими добродѣтелми украшен, во всем житїи своем угоди Богу, и имѣяше же яко человек нѣкое малое прегрѣшенїе, и зато по//пусти ему Бог тою лютою от звѣра смертїю скончаться. Зде его казня, да весма очищен идет от житїя сего предстати Престолу Господню съ Святымы Мученики, во велицей чести и славѣ, яко мученик и доблїи страдалец. Сїя рек Ангел, невидим бысть. Ученик же утѣшися от плача, извѣщенїе прїем о старцѣ, яко предстоит Господню Престолу. И спрятав мощи его честныя, поживе на том мѣстѣ лѣта доволныя, въ всяцей добродѣтели, до блаженныя кончины своя. Праведен Господь, и нѣсть неправды в нем, судьбы же его бездна многа.

### РОСА ИСПРАВЛЕНІЯ ЧЕЛОВѢКОМ

Ты вѣрным спасителница, Богородице, и слѣпым наставница,  
и падающим исправленїе. Дамаскин, в Октоиху, глас 1, на Повечер. Пѣснь 8.

#### Чудо 11.

У Василїя Болдаковского, жителя Чернѣговского, бѣше слуга именем Клим. Сему от бѣса мучену быти Бог попустил. Мню, исправленїя его // ради, вся бо на ползу нашу строить, наказуя нас различными казнями, яко отец чадолюбивый да уцѣломудримся. Сего Климѣ бѣсна ведше в Монастир, привязаша и к столпу в пещерѣ Преподобнаго Антонїя, сущей здѣже при Церкви. Живяше бо Преподобный нѣкое время на том мѣсту, о чесом повѣстается в Патерику Печерском сице: Прелестник възбуждаше Изяслава, да гнѣвом своим Преподобнаго Антонїя от предѣл Кїевских ижденет [*Лист 12 в житїи Преподобнаго Антонїя*]. Яко же на нѣкое время и получи желаемое враг, извѣщен бо быв о том Князь Чернѣговскїи Святослав, яко брат его Изяслав на Преподобнаго Антонїя гнѣвается зѣло, // присла по святаго ношїю, и к Чернѣгову того взять. Идеже он возлюби мѣсто близ града в горѣ Болдини, и ту пещеру ископав живяше в ней, на нем же мѣстѣ создан бысть и Монастир. В той пещерѣ реченный Клим, привязан сый, свободися от бѣса чудовною Благодатїю, свыше на то мѣсто излиянною, молитвами Дѣвы Богородици и Преподобнаго Антонїя.

#### БЕСѢДА.

Всяк хотяй злое свое исправить житїе, зовет с Давидом: обы исправился

быша путіе мои сохранили оправданія твоя [Псал. 118]. Но кто я исправит? От Господа стопы человекѣ исправятся, без него же творити не можем ничесоже [Псал. 36]. Убо да исправит Господь стопы наша, помолѣм Богородицу ходотайствовати о нас, та бо молитвами своими, многим от Бога испрошет // исправленіе. О благоразумном разбойницѣ различни разлинѣ гадагелствуют, чим спасеся: иньи глаголют вѣрою, яко же вышше в Нравоученіи третем рекохом. Друзіи глаголют покаянїем, яко Дамаскин пишет: разбойниче покаянїе Рай отверзе [И пакой, глас 1]. Иный спасенія его вину сокрушенному в молитвѣ сердцу приписуют, яко съ совершенным о грѣсех жалем помолися, рек: помяни мя Господи. Сердца, рече, сокрушенна и смиренна Бог не уничтожит. Иные исповѣданіе его глаголют быти виновно спасенію, яко исповѣдашеся глаголя: Мы убо праведно по дѣлом наю воспрїемлева. И за се исповѣданіе спасеся. Исповѣм, рече, нама беззаконія моя Господеви, и ты отпустил еси нечестіе сердца моего [Псал. 11]. Обаче яз вопрошаю, откуда прїиде сему разбойнику сице скорое исправленіе, яко и вѣрова, и покаеся, и сердцем сокрушенным помолися, и исповѣдася? По что сего исправленія не бѣ в нем, егда на смерть судяшеся? Егда вслѣд Христа на распятіе ведяшеся? Егда на Крест привязовашеся? Но егда со Крестом от земля вознесен, ста по единой странѣ Креста // Христова. Обрѣтаю у нѣких мудрецов, глаголющих, яко между Крестом Христовым и Крестом разбойническим, стояще в то время Мати Иисусова, Пресвятая Дѣва Марія [Петр Дам. и Салмер. в томѣ 10, трактат 40]. Се имаши вину внезапнаго преложенія и исправленія разбойнича. Матер Господню, та то стоячи между Господем и грѣшником, тайно исходотай у Господа дѣйственную грѣшникови къ исправленію благодать. Егда стояше Мати при Крестѣ, тогда къ Христу обратися разбойник, иже не обращашеся прежде, дондеже не ста между ими Марія. И что дивно, яко ею исправляются человекѣци в новой благодати, егда в ветсѣм завѣтѣ еще сѣнїю и прописанїем ея тожде баше. Развращающагося Израїля хотя Бог исправити, даде Закон на скрижалех. По что убо не на хартїи или на кожах, но на скрижалех изволи Бог написати своя велѣнїя; того ради, яко да пропишет Дѣву Марію, и покажет, что ею хошет спасти и исправити міра, яко же воспѣвается в Догматѣ: и спасе Богородицею мїр Христос, имѣя велїю милость [Догмат, глас 4]. Скрижали бо прознаменоваша Матер Божїю, на ней же хотяше сам законодавец // написатися, сице ю именует Церков: закона новаго Ковчег нарицаем тя, и Благоданчертанную скрижаль, в ней же слово написеся Божїе [Мїнея, Іюня 20, Пѣснь 9]. Такожде и Святыи Ефрем<sup>н</sup> ея нарицает: скрижаль вписанныи закон человекѣком приносящая. И сїя то новая скрижаль, Израїлеви исправленіе въ ветсѣх приношаше скрижалех сѣновнѣ, нынѣ же въ Благодати новой, самою вещь исправляет падших, егда от страстей свобождает, от заблужденія отвращает, от грѣхов молитвами очищает, от бѣд избавляет, от бѣсовских навѣстов защищает, и тѣх иже бяху отчаян своего спасенія, на стезю спасенную наставляет, и благонадежными творит. Еже исповѣдует Дамаскин Святыи: Рождши Бога и Спаса всяческим, Маріе, бысть ти отчаянным исправленіе, грѣшником обновленіе, и ненадежным Надежда.

### НРАВОУЧЕНІЕ

Исправити Господь человекѣка хотя, многїя на него наводит казни. Между инѣми не меньшая казнь, егда кому попустит мучену бы//ти от дїавола, яко реченному Климу. Се же вѣдати требѣ, яко дїавол над человекѣком не имать власти ни единой, дондеже не дано ему будет свыше. Егда ему повелит Бог, тогда он прїемлет власть и мучит. О Іовѣ пишется, яко от Господа предан дїаволу страждаше, рече Господь дїаволу: се предаю ти его, токмо душу его соблюди [Іов, глав. 2]. Предает же Господь веловѣка на сичево мученіе, двоих ради вин, или искушеюще якоже онаго Іова праведнаго, да большїи вѣнец за терпѣнїе прїимет; или за грѣхи казняши, и къ исправленію приводяши. Тако казнен баше той, его же Апостол поминает: предати таковаго сатанѣ воизможеніе плоти, да дух спасется [Коринф, глав. 5]. Кто бо на тѣлѣ казнен бывает, сей на душѣ исправленіе и здравіе прїемлет. Искус сего имѣяше, Павел глаголяй: егда немоществую, тогда силен есмь [2 Коринф, 12]. И

того ради у Святого Іоана Лѣствичника<sup>н</sup>, описанный темничники, моляху Бога, да попустит дѣволу мучити их тѣлеса: овы убо бѣсы быти моляхуся [*Слово 3 о Покаяніи*]. Хотяще сим плоти своея мученіем, прійти в исправленіе и спасеніе души своея. Господи, нака//зання твое томя научит, точію не яростію твоею обличи мене, ни гнѣвом твоим покажи мене.

### ПРИЛОГ

Хотяй вѣчныя избѣжати раны,  
Молит, временнѣ да бы был караный.

Брат сѣдѣше в Монаидствѣ Монастирѣ, и се бѣ молитва его выну: Господи, не боюся тебе, но послѣ на мя или зол недуг, или напасть, или болѣзнь, негли поне тако прійдет въ страх окаянная душа моя. Се же глаголаше и моляше прилѣжно Бога, глаголя: вѣм яко невозможно есть да простиши ми грѣх, много бо согрѣших во Имя твое, Владыко, много и злѣ. Но аще есть мощно, щедрот твоих ради воспрійми мя от грѣха. Аще ли се не может быти, то помучи мене здѣ, а тамо ослаби ми поне малу часть от муки, токмо начни от селѣ казнити мя, не яростію твоею, Владыко, но человеклоубіем. Такожде пребыв лѣто цѣло сокрушеніем сердца, моляся Богу, постом многим и смиреніем. Мысль же имѣ в себѣ, глаголя: что убо есть слово, // еже рече Господь: блажени плачущіи, яко тыи утѣшатся [*Лука зач. 24*]. Единою убо сѣдѣшу ему на земли, и плачущюся по обычаю, и от пепчали въздремавшюся, явися ему Христос, и глагола тихим гласом и лицем смиренным: что имаша человекче? И что сице плачешися? Глагола же той: яко падохся, Господи. И рече ему явивыйся: востани. И отвѣща лежай: не могу, аще не прострещи ми руки. И простре руку и возведе и. И паки глагола ему явлейся тихо: что плачешися человекче, и что скорбиши? Отвѣща же брат: не хоцещи ли, Господи, да плачуся и скорблю, яко толико тя оскорбих? Тогда простер руку свою явлейся, и положи длань свою на сердци брату, и мазаше ею, и рече ему: не скорби, поможет ти Бог, понеже ты сам ся оскорбил, к тому аз не оскорблю тя. Тебѣ ради кров свою дах, колми паче дам и человеклоубіе всякой душѣ кающейся. И пришед в себе брат от видѣнія, обрѣте сердце свое в себѣ всякоя радости исполнено. И извѣщеніе пріять, яко сотвори ему Бог милость. И поживе прочее лѣто въ мно//зѣм смиреніи, хваля Бога, и в том исповѣданіи к нему отиде.

### РОСА НИЗПАДЕНІЯ БѢСОМ

Радуйся еюже врази низпадают. Ікос 12.

#### Чудо 12.

В Лазареву субботу, з Чернѣгова, нѣкто именем Пархом, пріведей бѣ к Чудотворной Иконѣ Пресвятой Богородици [*Року 1674*]. В том Пархомѣ, толико крѣпка бѣше сила бѣсовская, яко ѣдва его четири человекки удержати и привести възмогша, пружаше бо ся, изимаяся от рук их съ зѣлным кричаніем. Но не долго о сицевой силѣ своей хваляшеса гордый дѣвол. Воскорѣ бо изнемог падеся, и прогнан бысть силою Богородичиною. Человекк же сво//бождся горкаго мучителя, благодаряше спасителницу свою.

### БЕСѢДА

Воует на ны враг всѣми силами своими, подвиже вся легеоны, обыйде нас всѣми коварствы, яко жалѣтися нам: обыйде нас послѣдняя бездна, обыйдоша нас, яко пси мнози, своим лукавых обдержаша нас. И что сотворим? Самы одолѣти им невозможно, требѣ Господа в помощь, в подобнѣй брани нѣкто сим побѣдив глаголет: аще не Господь был бы в нас, ни един же нас противу възмогл бы вражіей брани одолѣти. Но мы Господа прогнѣвахом зѣло, и откуда помощь стяжем? Сотворѣм совѣт, съберѣм полк молитвенников, иже возмогут и Господа о нас умолити, и полки вражія побѣдити. Призовѣм Ангелы, съберѣм Пророки и Апостолы, употребѣм Мучеников, дѣвственников, совокупѣм Преподобныя, Праведныя, и вся святыя, да тыя ополчатся окрест нас. // Обаче сим всѣма воем требѣ воеводы, кто бо гдѣ видѣ Полк без вожда ратующ? Ни сему воинству прислушает без началствующаго быти. Но кто посредѣ таковых воинских соборов

достоин быти вождем? Никто же ин, точію Пресвятая Дѣва Марія, сію умолю, да посредѣ полка молитвенников наших изволит воеводою быти. Та бо достойна началствовати всѣми, Ангелов вышшая, Пророков честнѣйшая, Апостолов болшая, Мучеников, Дѣвственников, достойнѣйшая, Преподобных, Праведных и всѣх святых святѣйшая. Та убо да предидет въ Полкъ, и падут вси врази наши под ногама, сице ю и Дамаскин святой молит: лики прійми Архангел же, и множество вышних воинств зиждителя моего [Глас 6. В втор. на Повечер: Пѣсн 9. стих. 2]. Апостол же и Пророк соборы, и Мученики, и Праведныя, и Священномученики, и молитву сотвори, Чистая, за нас к Богу. Въ ветѣх завѣтъ, на бранех ношашеся пред Полком Ковчег Завѣта Господня, и падаху супостати побѣжденны, сице пишется в Числах: ковчег завѣта Божія пред идяше пред ними, и бысть егда въздвизаху Ковчег, рече Моисей: востани // Господи, да разсыплются врази твои, и вси ненавидящїи тебе да побѣгнут от Лица твоего [Числ. глав. 10]. Мы имамы новаго завѣта Ковчег, Пресвятую Дѣву, ей же чем: Радуйся Ковчеже, позлащенный Духом. Сію предпускающе побѣжденных узрим наших супостатов, тою бо въздвижутся побѣды. Та и Бога нам милостива сотворит, и сопротив гонящих нас станет, точію теплѣ воззовѣм к ней: О Пресвѣтлыи облаче Мати Божія, нас побѣждающих побѣди [Параклис].

### ПРАВОУЧЕНІЕ

Горе нерадѣнію нашему: мы лѣнны, враг же наш бодр есть, промышляя о поглощенїи нашем. Мы ямы и пием, а враг зубы своими на ны скрежещет. Мы празнословим, а враг на ны плетет своя сѣти. Вопїет Апостол: трезвѣтеся, бодрствуйте, зане супостат ваш дїавол яко лев рыкая ходит, искїи кого поглотити [1 Петр, 5]. И трезвитися, и бодрствоватьи требѣ, да не дїаволом поглощенни будем. Аще лѣнны есмы, то уже поглотит ест нас враг. Аще же трезвимся бодрствующе, // то воюет на ны, поглотити хотя, но не может, Богу нам помагающу. нѣкто от отец пустынных бодр, воста на молитву в полунощи, и се слышит глас трубы, аки къ брани, рече в себѣ: откуда в пустинѣ воя и брань? Яви же ся ему бѣс, и рече: ей брань, яко на молитвѣ стоиши, ляжи и спи, хочещи ли да не боремся с тобою, мы бо с тѣми боремся, юже вооружаются на ны бодрою молитвою, со лѣнными же не боремся. Слыши, что глаголем злокозненная сила, с лѣннымы, рече, не боремся, почто? Уже бо лѣнный побѣжден падеся, и лежит врагом попираемый, трезвѣмся убо и бодрствуим.

### ПРИЛОГ

Дерзай, храбрый воине, не падеш язвенный,  
Аще токмо будещи бодрїи и трезвенный.

Авва Моисей, иногда прїять брань от духа нечистого, и немогїи терпѣти навѣта вражїа, иде к Аввѣ Исидору и повѣда ему вещь. Блаженный же Исидор утѣшаше его, совѣтуя храбрски терпѣти, утверждая его от Божественнаго писанїа и от житїи отец Богоносных, // веля возвратитися в келїю свою, и подвизатися на страсти, он же нехотяше, умножившу брань в нем бѣсу. Тогда святой Исидор поять его на верхнее келїи, и рече ему: зри на запад и вижд. Възрев же Моисей, и видѣ множество неизчетное бѣсов, аки уготовляющихся на рать. И рече ему вторицею Исидор: зри на восток и виждь. Егда же возрѣ, видѣ много болшїи Полк свѣтоносных Ангел, готовых такожде на брань. И рече ему Авва Исидор: се их же видѣл еси на западѣ, сїи суть иже на святых Божеих воюют. Сїи же их же на востоцѣ видѣ, суть послаемїи от Господа на помощ добрим подвижником. Виждь убо яко болѣе ест с нами. Сїа видѣв и слышав Авва Моисей, укрѣпися, и возвратися в келїю свою, славя силу Господа нашего Исуса Христа.

### РОСА СЛѢПЫМ ПРОЗРѢНІЯ

Око бѣх слѣпым. Іов глава 29.

#### Чудо 13.

Отроковица Марія, дщи Леонтїа Полуботка°, боляше болѣзнію, ре//комою оспа. От коея болѣзни и струпов многих очное погуби зрѣніе. Сїю, скорбїи

родители, от града Батурина, привезоша в Монастир Илинскій къ чудотворной Пресвятой Богородици Иконѣ. Иде же егда по обычаю в субботу Акафист чтяшеся, во время молитвы Нескверная неблазная, та Марія благодатію Богородичною прозрѣ, на кое чудо вси людіе смотряше, радовахуся о всѣх славных бываемых от Препоблагословенной Дѣвы Маріи.

### БЕСѢДА

Не тако Іов, яко же Марія есть слѣпы око [Іов. 24]. Не точію бо тѣлесными ослѣпленных очыма, но и душевнѣ слѣпоствующих руководствует, внимай истиннѣ: Дух святыи в пѣснях утреню звѣздою нарицает ю, // глаголя: кто сїя восходящая, яко утро? [Пѣсни пѣсней, глав. 6]. И почто Пречистую Дѣву утром именована? Того ради, да покажет, яко она есть слѣпым прозрѣніе, тмы отгнаніе, нощи просвѣщеніе. Нощ бо темную, яже всѣх аки ослѣпляет, заключаая очи сном глубоким, человеком и скотом, звѣрем же птицам, кто отгонит и просвѣщает? Звѣзда утреня. Сїя восїявши день приводит, от сна будит, всякому очи отверзает, да изыйдет на дѣло свое и на дѣланіе свое до вечера. Нощ мысленную глаголю незнаніе Бога, еже ослѣпило бяше едва не всего мїра, кто отгна и день познанїя восїя? [Псалом 103] Пречистая Дѣва, ей же чтет Церков: Радуйся, заре таинаго дне [Іос 5]. И паки: Тобою Сына Божїя познахом. Вѣсть та невѣжи к познанїю истинны наставляти, та святого Григорїя Неокесарїйскаго научи православїя: еда бо начатся ересь самосатенова, бывшу святому Григорїю в недоумѣнїи, и молящюся Пречистѣй Богородици. Та явися ему, научи и утверди его во истиннѣй православнѣй Кафоличестѣй вѣрѣ.

Вождаше иногда звѣзда восточная волхвов // къ Христу рождшюся в Вифлѣмѣ. Видѣхом, рече, звѣзду его на Востоцѣ, и прїйдохом поклонитися ему [Марко 2]. По что не Ангел, ни ина кая твар их вождаше, но звѣзда? Еще же восточная, не западная? Мню, яко се бяше Госпожи моя прописаніе, яже воистину есть звѣздою лучезарною. Восточною же, яко невѣсть запада, всегда живет в свѣтѣ неприступнѣм: Утро свѣтлѣйшее радуйся едина [Акафист, пѣснь 3]. Сїя звѣзда ведет ны къ Христу, егда от скверных изимает дѣл, егда пламене страстей измѣняет, егда цѣломудрїя учит и на спасенную наставляет стезю. Сею звѣздою учимся кланятися солнцу Праведному, еже исповѣдует Церков, глаголя: Радуйся, ею же поклоняемся Творцу. Тако ны просвѣщает, тако очи душевныя к познанїю Бога отверзает, тако тму мрачную отгонит. Радуйся, тму разрушившая и мрачныя бѣсы отнюд отгнавшая. О ней то, чаю, глаголет слово Божїе у Ісаи Пророка: дах ты в свѣт странам, отверстїи очи слѣпым, и извести из дому темници сидящя в тмѣ [Ісаїа 3, 42]. // О Пречистая Дѣво, свѣта твоего зарями просвѣти мя, мрак неведѣнїя отгоняющи.

### ПРАВОУЧЕНІЕ

Рѣша иногда фарисее: егда и мы слѣпы есмы? Рече им Іисус: аще бысте слѣпы были, грѣха не бысте имѣли, нынѣ же глаголете, яко видим, и грѣх ваш пребывает [Іоан. Глав. 4]. Нѣст окаянѣйшея слѣпоты сея, очи имѣти и невидѣти. Вѣдати, что есть воля Божїя благая и угодная, и совершенная, и не творити ю [К рим. 12]. Аще бо и всякому грѣшнику раны многи, обаче болшія вѣдущему и не творящему: раб вѣдый волю Господина своего и не уготовавый ниже сотворивый поволѣ его, бїен будет много [Лука 12]. Видим и слѣпы есмы, в разумѣ бо волею согрѣшает, а грѣх слѣпота есть душѣ, глаголет Софонїя Пророк: пойду, якоже слѣпый зане Господови согрѣшиша [Софон. 1]. Обячь древле тма велика Египет днїи три, яко никто же воста от одра своего, и никто же брата своего видѣти можаше [Исход. 10]. Непокаяннаго грѣшника аки в три дни, в три времена слѣпота и потемненіе души обемлет: // въ время временнаго житїя его егда немощи ему зрѣти свѣта заповѣдїй Господних от умножившихся беззаконїи, постигоша мя, рече, беззаконїя и невозмогах зрѣти [Псал. 39]. Въ время смерти, еда темнїи дуси его обїйдут, и необрѣсти ему помощи, яко собыватися глаголу псаломнику: Смерть грѣшником люта [Псал. 33]. И въ время вѣчности безконечныя, идеже даже до



вѣка неузрит свѣта Христова: нечистивїи не узрят славы твоея Христе Боже [Ирмос, глас 4, пѣс. 5]. Отверзи убо нынѣ очи своя, о грѣшнице, да познаеши окаянное устроєніе твое, и не претикайся от единого грѣха в другїй, яко же слѣпец [Діонтра, част 2, глав. 17]. Заповѣдь Господня свѣтла просвѣщающая очи [Псал. 51], сію соблюди и прозриши Богу помогающе, его же моли, глаголя: послѣ свѣт твой и истину твою: тама наставит, и воведет в гору святую твою, и в жилища твоя [Псал. 46].

### ПРИЛОГ

Хощеш ли душевными очима зрѣть ясно;  
Помраченя грѣховна блюдися опасно.

Святый Павел препростый<sup>р</sup>, в Монастирѣ нѣкоем стоя при Церкви, смотряше, кто каковою // мыслію в Церков входит, имѣяше бо прозорливаго Духа, и видяше помышленія челоѣческа; бѣже вечерня, и всѣм входящим лицем свѣтлым и душею просвѣщенною с ними же ко егождо Ангел хранитель радуяся совхождаше. Видит единого брата в Церков градуша, лицем черна, душею помрачена, окружаема от бѣсов, кождо к себѣ влекущих его, ему же святый Ангел хранитель издалече послѣдствоваше, уныл и плачуш. Сія видѣв святый, оскорбился и рыдаше зѣло о погибшем братѣ. Не ввійде и в Церков от горкїя печали, но внѣ плачевен сидяше, скончившу же ся церковному пѣнію, исхождаху братїя таковыжде яціи и вхождаху свѣту Божественному их осїявающу. Зрит же и онаго, иже первѣ темен бяше, се лице его, аки Ангелово, и благодать Духа Святаго окрест его осѣняше руку его, бѣсы же издалеча рыдающа и ниже мало приблизитися могуща. Сицевое скорое онаго преложєніе видѣв блаженный, обрадовася, и поем удержа его, и пред всѣми // видѣнная о нем изрек, внезапнаго преложєнія его вины вопрошаше. Сей же видя себе обличена Божиим откровенїем, исповѣда яже о себѣ пред всѣми глаголя: Аз рече зѣло есм грѣшен, в нечистотѣ многїя иждив лѣта даже до днесь. Вшед же нынѣ в Святую Церков, слышах Святаго Пророка Ісаю чтома, паче же Бога им глаголюща: Измыйтеся, и чисти будите, отимѣте лукавствїя от сердец ваших пред очима моима, и научитесь добро творити, и аще будут грѣхи ваши яко багр, яко волну убѣлю я [Ісаїа, глав. 1]. Сія аз слышав умилихся душею, отверзостѣ бо ся ми умныи очи, познах окаянство мое и пабубу, и воздахнув, рѣх в помыслѣ моем къ Богу: ты еси Бог, пришедый в мїр грѣшники спасти, яко же нынѣ Пророком своим провѣща, сія въ мнѣ грѣшном соверши дѣлом. Себо обѣщеваю отселѣ к тому не сотворити никоего зла, но отвергуся всякаго беззаконїя, и от нынѣ работаю тебѣ чистою совѣстію, Владыко, точїю ты прїими мя кающася, и не отрини припадающа. С сими же, рече, обѣщаними изыйдох из Церкви, // положив в сердци моем не грѣшити пред Богом. Сія вси слышавше, гласом велїим прославиша Бога, прїемлюща всякага прибѣгающаго к нему покаянїем. Тако сей добрѣ избыт душевныя слѣпоты, полож твердое покаянїю основанїе.

### РОСА СКОРБЯЩЫМ РАДОСТИ

Тобою дастся радост Богородице, вопїющим ти: Благословенна ты в женах,  
пренепорочная Владычице (в Часѣх на Воскресєніе).

#### Чудо 14.

Павла Клевца, бурмистра Чернѣговского, дщи, именем Татїяна, шести лѣт сущи, от нѣкоего случая десным оком ослѣпе. От сего кая бяше скорб родителем, не требѣ повѣдати, кто бо не вѣсть, яко егда болят чада тѣлом, равнѣ с ними родители болят сердцем. Совѣтоваху же сосѣды матерѣ, да ведет ю къ Богородичной Иконѣ чудотворной, // идеже вся болѣзни скорое врачеванїе прїемлют. Мати совѣт благ приемши, въ двѣ субботѣ на Акафист къ Пресвятѣй Богородици, дщер свою с вѣрою привождаше. Во первую убо субботу начать око цѣлится, во вторую же всячески белмо от ока погибе. И благодариша Дѣву Богородицу, радующєся родители съ дщєрїею, получившею ясное и здоровое зрѣнїе.

#### БЕСѢДА.

В мїрѣ сем отвержєся утѣшится душа моя, понеже всяка радость мїра сего

печаль есть: нѣсть зде радости, яже не растворяется печалію. Нѣсть утѣхи, яже не сопрягается съ скорбію. Нѣсть веселія, ему же не въслѣдствуетъ сѣтованіе. Нѣсть смѣха, понем же не градетъ плачъ съ въздыханіемъ. Гдѣ убо истинныя не премѣнныя и не отемлемыя // възыщу радости? Глаголютъ, яко в Рай нѣсть болѣзни, ни печали, ни въздыханія, всегда глас радости и спасенія в селѣхъ праведныхъ. Но азъ нечистъ и скверненъ, како тамо вселюся, идеже не имать ввійти всяко скверно? Идеже подобній мнѣ грѣшницы изгонятся състудомъ внѣ пси, и чародѣе, и любодѣе, и убійци, и идолослужителіе, и всякъ творяй и любяй лжу [Апок, 25]. То камо пойду грѣшный, да утѣшеніе скорбной душѣ моей обращу? Пойду къ Пресвятой Богородици, та есть Раемъ словеснымъ, всякою утѣхою и радостію избилующимъ, къ нему же не точію святымъ, но и грѣшнымъ свободный приходъ и не възбранный. В семъ Раи, глаголю въ Маріи, обрящу утѣху, егда точію въброю возопію къ ней съ поющими: подаждъ утѣшеніе своимъ рабомъ, всенепорочная, утоляючи лютаго на ны вѣстанія, от всякоя скорби насъ измѣняючи [Богород, глав, 4]. Рай утѣшаетъ тѣхъ точію, иже от удола плачевнаго на радостную жизньъ преидоша [Псал. 93]. Марія же и въ удалѣ плачевномъ сущихъ, и плачущихъ бѣды своя, утѣшаетъ. О, Раю краснѣйшій, утѣшенія твоя да возвеселятъ душу мою. //

### ПРАВОУЧЕНІЕ

Вси въ Рай ввійти хотимъ, но грѣси намъ възбраняютъ. и что сотворимъ? Мой совѣтъ, прибѣгнути къ Пресвятой Дѣвѣ Богородицѣ. Та есть Дверъ Райская, всѣмъ входъ отверзающая, тако ей четъ Церковъ: Радуйся, Райскимъ дверемъ отверженіе [Икос 4]. Нибо мощно инако ввійти кому въ Рай, аще не Богородицею. Слышите, что о ней глаголетъ Блаженный Германъ, Патріархъ Цариградскій: никто же позна Богъ, точію Тобою, о Пресвятая, никто же приемлетъ спасеніе, токмо Тобою о Богородице, никто же взываетъ коея бѣды, токмо Тобою, о Богомати. И Григорій Никомидійскій подобнѣ глаголетъ: Тобою рай воистину пряхомъ, Тобою рода людскаго изганіе къ своему возвратиса отчеству, Тобою отягся пламенное оружіе, стрегущее вратъ едемскихъ, Тобою врата веселія и радости затворенныя отверзошася, Тобою надѣмся ввійти въ небесное Царство, Тя спасенія нашего имами Помощницу. Убо держѣмся неотступнѣ сихъ вратъ Райскихъ, Пречистой Дѣвы, и ввійдемъ ея въ самый Рай, избывше всякое печали и болѣзни. //

### ПРИЛОГ

Иже тя любитъ, о Мати благая,  
Сему готово мѣсто средѣ Рая.

При Церкви святого Маврикія въ Коліофїи, нѣкая инокиня свято поживши, яже и великое усердіе имѣ къ Владичици нашей въ молитвахъ, на конецъ житія приближиса, и боляше къ смерти. Егда же прїйде время преставленія ея, обстояющимъ сестрамъ одръ, бысть лице ея свѣтло, и отверзши уста, тихимъ гласомъ и осклабленнымъ лицемъ рече: Добрѣ прїйде сладчайшая Госпоже моя Маріе. И сія рекши, предаде Духъ въ руцѣхъ пришедшой Госпожѣ, юже въ все житіе любяше. И кто не извѣстенъ, яко сей рабѣ своей Дѣва Марія, Райскую отверзе дверь, и введе ю во радость вѣчную.

### РОСА БОЛНЫМЪ ПОСѢЩЕНІЯ.

Едина болящимъ посѣщеніе, едина падшимъ исправленіе Владычице, едина къ Богу руководница и входъ (въ Октоиху гласъ 1, въ понедѣлокъ на Повечерницѣ, Пѣснь 4). //

### Чудо 15.

Нѣкая жена, именемъ Анна, от града Брагиня, мучашася зѣло болѣзнію, гостецъ названною, два года. Та прїять исцѣленіе благодатію Богородичиною от чудотворной ея Иконы, еже сама исповѣда въ суплѣцѣхъ въ чолобитной до Преосвященнаго Пастира тыми словесы: Я, убогая Анна Розсудовска, будучи отъ найвышшаго Владыки хоробою навѣжена, южъ отъ двоихъ лѣтъ, офѣроваламъ тутъ до чудотворнаго образа Пренаисвятѣйшой Дѣвы, который есть у Ілїи святаго, и за ласкою Бога Всемогущаго, почаламъ приходити до першого здоровья.

## БЕСѢДА

Болѣзни наша тѣлесная и душевныя, кто изочтет? Уврачевати же их, кто мо //жет? Одержаша нас болѣзни смертныя, и потоци беззаконїя смятоша нас [Псал. 17]. Кїих болезней ни оны премудрїи врачеве: Асклипїй, Иппократ и Гален уврачевати можаху. И от кого цѣлбы поищем? Всяко речете: от Бога, но не имами дерзновенїя к нему за премногїя грѣхи наша. То от Матере его Преблагословенныя, много бо может молитва Матерняя, и добръ, ибо та дадеся целебница всему міру. Природный есть в людех обычай, егда приемент кто язву на тѣлѣ, такожде егда възболит глава или стомах, тамо скороприлагает руку, аки нѣкую болѣзни прїемля отраду, откуда и приповѣдуется: где болит, там рука. Не невѣмы, яко ручкою Врачебница наша проименовася: Радуйся, ручко золотая, к ней же и вопїет Дамаскин: лютыми напастми томим, от враг стужаем оклянный, плачем приглашаю, свыше мнѣ прости пребогатая руку твою [Глас 1, в субботу на Павечер, Пѣснь 1]. Убо егда нас обемлют лютыя недуги и болѣзненныя страсти, сію Руку, глаголю Пресвятую Дѣву, прилагам, паче же самы к ней прилагамся, врачующе ей въ Всесилїи // руцѣ душу и тѣло наше. Рѣша древле египтяне къ Іосифу (по Іеронимову преводу): "здравїе наше в руку твою, точїю да призрит на ны Господин наш [Быт. 47]. О цѣлбнице благосердая, въистину в твою руку наше здравїе, ты тѣла нашего врачеванїе, ты душа наша спасенїе, ты немощїю низлежащих исцѣляеши, къ твоему врачевству притѣкаем, точїю призри на ны милостивым еи оком. От горняго възшествїя нашу назирай худость [Акафїст Успенїю, Пѣснь 50].

## ПРАВОУЧЕНІЕ

Всяк врач хотяй тѣлесную болѣзнь уврачевати, вины ея взыскует, от брашна ли, или питїя, или от инага коего случая прїйдено Учителїи Церковнїи глаголют, яко всякая болѣзнь виновен есть грѣх. Тако святой Макарий египетскїй глаголет: Разслаблен ли кто или на коей частѣ тѣла калѣвка, или феброю и коею либо немощїю страждет, вся сія от грѣха походят, он бо всего зла есть коренем [Макарий бесѣда 16]. Святой же Калист: от начала міра, грѣха ради, немощ внїде в Каиново тѣло // по братоубїйствѣ расслаблен бысть, и хождаше въздыхая, и трасїйся на Землѣ [В Нед. 6, по Свят. Дусѣ]. И Іероним Святой: елико грѣхов, толико болѣзнїи имама [Іерон. на псал. 162(?)]. Хошем ли убо тѣлесных болѣзней избыти; первѣе вину их, си есть грѣх, уврачуємо покаянїем. Ибо и Христос Господь, добрый Врач, хотя уврачевати расслабленаго тѣлом, первѣе расслабу душѣ его, си есть грѣхи, цѣлит глаголя: Чадо, отпушцаются грѣси твои. И потом: востани, возми одр твой, и иди в дом твой [Матф. гл. 9].

## ПРИЛОГ

Боляй кается грѣхов своих,  
убо подаетмуся здравїе сугубо.

Муж нѣкїй, от славных в Царградѣ, имѣ вѣру велику к святому Іерарху Христову Іоанну Златоустому. Сей в болѣзнь тяжку и неудоб цѣлїму впаде. Изнемогшим же врачом, и уже всѣми отчаян, повелѣ себе нести в Церков, идеже честная рака Златоустаго бяше. Принесен же быв и положен, моляшеся съ слезами, прїем в ум содѣянная грѣхи. И рыдая о них, увы мнѣ, рече, // грѣшному и непокаянну, како пойду в путь, от него же невозвращуся? Како же претерпаю трепет страшнаго суда и судїи? И како вѣчныя и нестерпимыя понесу муки? Изшедшим же всѣм из Церкви, повелѣ рабом своим отити, себе же единого оставити заключена, и сам един быв, возрѣ к верху храма святого, и видѣв образ Господа нашего Ісуса Христа, начать глаголати к нему сице: Аще твоего образа Владыко, рукама человѣческими сѣтвореннаго зря боюся; како же ты страшнаго судїю узрю окаянный аз, егда прїйдеши судити всяческим. Съгрѣших Господи, прости ми, несохраншу твоя повелѣнїя. Начат же исповѣдати своя согрѣшенїя, от юности сѣдѣянная, къ святому образу, и по исповѣданїи всѣх елико имѣ, рече паки: и ино люто сѣтворих согрѣшенїе Владыко, но несмѣю изрещи человѣколюбче, несмѣю, Милостиве. Се же ему глаголющу, прїйде глас от святого

оного образа глаголай ему: Рци и нестыдися убо, и сего исповѣдати человекѣче. Изрекшу же ему, прійде паки глас от святого образа, глаголай: Оставляются грѣхи твои. Сему // страшному гласу пришедшу, воста здрав весь, и пад на лицѣ своем, великим гласом благодарныя пѣсни възсылаше Человѣколюбцу Богу, нехотящому смерти грѣшнаго, но обратитися и живу бытии ему. Покланив же ся гробу святого Златоустаго, отиде в дом свой радуясь. Пожив же в цѣломудрії прочая живота своего лѣта, къ Господу отиде. Се видите, како прият здравіе тѣлесное, уврачеванным суцим грѣхом.

### РОСА НЕМОЩНЫМ ПОКРОВА И ЗАСТУПЛЕНІЯ.

На мя упова и избавлю и, покрыю его, яко позна имя мое (Псалом 90).

#### Чудо 16.

Есть весь близ Чернѣгова, рекомаа Смолин<sup>ф</sup>. От тоя веси человекѣк бѣсен именем Стефан, крѣпщѣ связан дужности ради в нем бывшаго бѣса, привезен бысть в Монастир Ілинскій къ Пресвятой Богородици, яже его сице покры и заступи, яко в то же вре//мя свободися от мучащаго и демона. И здрав возвратися в дом свой, прославляя Покровителницу и заступницу свою.

#### БЕСѢДА

Кромѣ Богородична Покрова и заступленія, кто доволен цѣл сохранен быти, от врага купно же и человекѣкоубійци?*[Антифон, глас 6]* Гоняше древле фараон Ізраиля, и аще не бы Господь простерл облако в покров Ізраилеви, убо жива пожерл бы его: столп облачный ста созади посредѣ полка египетска, и посредѣ полка сынов Ізраилевых *[Исход, 14]*. Гонят и нас врази наши видимыи и невидимыи, аще не бы нам Вышній подал в защищеніе Матер свою Дѣву Богородицу; то уже бы давно погибли быхом за беззаконія наша, но та крыет ны, яко же кокош птенца своя, есть бо Покровом міру ширшим облака.

Бѣжашу Іліи от гнѣва Езавелина, быст глагол Господен къ Іліи: иди отсюду на восток, и скрыйся в потоцѣ Хорафа прямо лицу Іорданову *[3 Царств. 17]*. Почто не иное мѣсто ему покажется // къ сокровенію от Езавелѣ, но лице Іорданово? Іордан, по свѣдѣтельству Іеронимову, прознаменоваше Дѣву Марію, яко же бо сквозѣ Іордана Киот Божій преїде по суху, тако утробу Дѣвическу пройде Слово Отчее едиородное без истлѣнія. И се тайна, почто Пророк прямо лицу Іорданову крыется, отгонящая его враждебници; яко сѣновное прописаніе Маріино въ Іордани бяше. И нынѣ егда кто гонимый врагом сокриется прямо лицу Мысленнаго сего Іордана, глаголю Пречистыя Дѣвы, не можно будет коему злу постигнути его, сматряющу нань лицу Маріину.

О коль блажен криїйся всегда под покровом твоим заступнице, не прійдет бо к нему зло, и рана не приблизится тѣлеси его *[Псал. 90]*.

#### ПРАВОУЧЕНІЕ

Слава Богу, и по Бозѣ Богородици, избавляющей человекѣка от мучительства бѣсовскаго. Но блюдися человекѣче, да не будет послѣдняя горша первых, возвращает бо ся діавол, поемля с собою седм инѣх духов лютѣйших себе *[Матф. 12]*, си есть седм грѣхов смертелных: духа гор//дости, духа сребролюбія, духа нечистоты, духа зависти, духа чревобѣсія, духа гнѣва, духа лѣности, яже человекѣка не покаянна лютѣ бѣса умчатѣ, не временнѣ, но вѣчнѣ, ввергут бо его сїи дуси в огонь негасимый и черв неусыпающий. Убо да не внійдут в тя сїи: буди мѣсто безводно, идеже бых не обрел вмѣстилища себѣ лютый дух, проходит бо он сквозѣ безводная мѣста, ища покоя, и необрѣтает. И что есть мѣсто безводно? Святый Григорій разумѣет сердца Праведных, иже умерщвленіем плоти, страсти плотскія изсушают *[Григор. 11, морал, гл. 3]*. Не обрѣтает же в них діавол покоя, празны бо сут злых дѣл, яже блатом именовашася от святого Афанасія и Феодорита<sup>х</sup>, пишуших на сїя псалмисты слова: углеох втимѣнія глубины, си есть, в дѣлех злых *[Псал. 68]*. Яко же бо свинія в калѣ тинном валятися хочет, тако діавол блата грѣхов наших желает. Но да необрацет проклятый в нас мѣста, иссушити требѣ грѣховное блато умерщвленіем, паче же страхом и любовію Божією,

проти́ви//ти же ся ему има́мы, да бѣжит от нас. Како же противитися, послушаим Златоуста́го: како поратуе́мя съ тмоу? Свѣт бѣвше: како же с духи злобы? Близі бѣвше, благому бо противитися злоба, и свѣт отгоняет тму.

### ПРИЛОГ

Аще помыслу скверному кто внемлет

Во сердци своем, сей бѣса приемлет.

Отец Мака́рій живяше в глубо́цей пусты́нѣ́ един, близ же его в доли́ней части пусты́нѣ́, мно́го бра́тїи пребы́ваху. И въ един день, зрѣт дѣво́ла в образѣ́ челове́чїи мину́юща келїю его, одѣ́янна косматою одеждою, на коемждо же космѣ́, висяше тиквица, и глаго́ля ему старец: камо идеши? Отвѣ́ща дѣво́л: иду посѣ́тити бра́тїю. Старец же рече: что су́ть тиквица, их же носиши? Отвѣ́ща: вкуше́ніе несу бра́тїям. Рече же старец: и во всѣ́х ли сих вкуше́ніе? Отвѣ́ща: ей, аще бо не бу́дет прїятно единому́ едино, подаю́ ему друго́е и тре́те, и вся по́ряду, да поне от всѣ́х сих еди́ним усладит́ся, и сія рек // дѣво́л, отиде. Старец же пребы́сть стрегї́й пу́ть, донде́же возврати́тся. И узрѣ́в его въ́звраща́юща́ся, глаго́ля ему: до́брѣ́ ходил еси? Он же отвѣ́ща: злѣ́, и гдѣ́ мнѣ́ до́брѣ́. Рече старец: почто? Он же рече: вся бра́тїя, яко дивї́и звѣ́рїе бы́ша мнѣ́, и ни один послу́ша мене. Глаго́ля старец: то ни еди́наго имаши та́мо послу́шающа́го тя? Он же отвѣ́ща: ей, еди́наго то́чїю има́м, иже егда́ мя ви́дит, верти́тся, як порпи́ца. Вы́проси же его старец: и како́ имя́ ему? Отвѣ́ща: Феопе́нт имя́ ему е́сть, сія рек, отиде. Воста́в же старец, иде́ къ бра́тїи, и сіи слы́шавше при́ход его, изы́йдоша во́стрѣ́тенїе́ ему съ Ваи́ами, и ко́ждо их гото́вляше келїю́ свою, мня́щи, яко́ к нему́ хо́щет о́тец внї́йти. Он же вопро́шаше: кто е́сть на́ряца́йся Феопе́нт? И обрѣ́т его, внї́йде к нему́ в келїю́. Феопе́нт же прїят его с радос́тїю, и нача́ть старец глаго́лати к нему́: како́ живеши́ бра́те? Он же: мо́литвами твои́ми, о́тче до́брѣ́. Рече старец: не́стужаю́т ли тебѣ́ кія́ помы́слы злы́я? Он же: о́баче до́брѣ́ е́см, стре́мляше бо́ ся изрече́ти // стра́сти сво́я. И рече старец: се аз коли́цими лѣ́ты е́см по́стяся, и по́читаю́ от всѣ́х, и се мнѣ́ ста́ру су́щу, стужает ду́х нечи́стый. Умили́в же́ ся Феопе́нт рече: вѣ́руй ми о́тце, яко́ и мнѣ́ стужает и исповѣ́дася́ ему. Впро́си же его старец: како́ пости́шися? Он же рече: до́ часа де́вятаго. Глаго́ля ему́ старец: по́стїся до́ вечера. Научи́ из уст от Еванге́лія и от инѣ́х пи́санїй, и ко́гда прї́йде́т ти помы́сл нечи́стый, ника́ко же внемли́ ему, и нико́ли све́ден бу́ди умо́м до́лу, но́ всегда́ го́рѣ́ внима́й, и Го́спо́дь помо́жет ти, и утве́рдив бра́та старец, отиде во́ свою́ пу́стыню. И е́да стре́жаше́ пу́ти, зрѣт бѣ́са она́го гряду́ща, и рече́ к нему́: ка́мо идеши? Отвѣ́ща он: посѣ́тити бра́тїю иду́. И а́бїе́ воскоре́в возврати́ся. И вопро́си его́ свѣ́тый: како́ бра́тїя? Он же рече: злы́. Рече свѣ́тый: почто? Отвѣ́ща: поне́же вси́ свирѣ́пѣ́йши бы́ша, и мно́жае воору́жишася́ на мя, но́ и его́ же имѣ́ях лю́бима, и то́й непослу́шает мене́, разврати́л бо́ ся не вѣ́м от куды, и ника́ко же внемлет мнѣ́. Но́ и от всѣ́х все́рѣ́пѣ́йши́и бы́сть на мя, // и кля́хся не́ быти та́мо до́ друго́го лѣ́та. И сія рек, отиде от свѣ́таго. Старец же внї́йде в келїю́ свою́, благода́ря Бо́га.

#### Примі́тки:

<sup>а</sup> Дамаскин Іоанн (бл. 675 – бл. 749) – знаменитый византийский богослов, поэт і філософ.

<sup>б</sup> Андрій Критський (бл. 660 – 740) – учасник VI Вселенського церковного Собору, противник ересі монофілітства. Автор багатьох богослужбових текстів і співів, у тому числі знаменитого «Великого покаянного канону».

<sup>в</sup> Роман Солодкоспівець (др. пол. V – поч. VI ст.) – византийський церковнослужитель, автор багатьох богослужбових текстів і співів.

<sup>г</sup> Мова йде про Іоанна Златоустого (347 – 407), знаменитого отця церкви.

<sup>д</sup> Халявін – нині село Чернігівського району Чернігівської обл.

<sup>е</sup> Антоній (Великий) (бл. 250 – 356) – знаменитый єгипетський подвижник, засновник чернецтва.

<sup>є</sup> Амвросій Медіоланський (бл. 340 – 397) – єпископ Медіолана (Милана), отець церкви.

\* Ієронім Блаженний (бл. 347 – 420) – отець церкви, автор перекладу Біблії на латинську мову (Вульгата), а також творів з екзегетики та історії церкви.

<sup>3</sup> Павло Фівейський (др. пол. III – пер. пол. IV ст.) – один із засновників єгипетського чернецтва.

<sup>и</sup> Мається на увазі: Drexelius Jeremias (1581 – 1638) і його праця «*Heliotropium sev conformatio humanae voluntatis cum divina*» (Munchen, 1627). Перекладена на церковно-слов'янську мову чернігівським архієпископом Іоанном Максимовичем і видана у Чернігові 1714 р.

<sup>і</sup> Августин Блаженний (354 – 430) – єпископ Гиппонський (Африка) – знаменитий богослов.

<sup>ї</sup> Петр Хризолог (? – 458) – єпископ Равенський, богослов.

<sup>й</sup> Литовською країною, Литвою на Чернігово-Сіверщині у XVII ст. називали білоруські землі, а білорусів – литвинами.

<sup>к</sup> Єлецький монастир був зруйнований і спалений під час захоплення Чернігова польським загоном під командуванням Самуїла Горностая у 1610 р. Відбудова монастиря почалася у 1660-х рр.

<sup>л</sup> Афанасій Александрійський (бл. 295 – 373) – єпископ Александрії, богослов, отець церкви.

<sup>м</sup> Правдоподібно мається на увазі Єфрем Сирін (? – 373) – християнський богослов і поет.

<sup>н</sup> Іоанн Лествичник (бл. 482 – 563) – християнський подвижник і богослов, автор відомого твору «Лествиця».

<sup>о</sup> Леонтій Полуботок обіймав старшинські посади у Чернігівському полку, полковник переяславський, потім генеральний осавул, помер бл. 1700 р. і похований біля Успенського собору Чернігівського Єлецького монастиря. Марія Леонтіївна була заміжня за генеральним хорунжим Іваном Сулимою.

<sup>п</sup> Григорій Богослов (Назіанзин) (бл. 330 – 390) – знаменитий богослов, отець церкви.

<sup>р</sup> Павел Препростий (IV ст.) – християнський подвижник, преподобний.

<sup>с</sup> Герман (645 – 740) – Константинопольський патріарх, богослов.

<sup>т</sup> Мається на увазі Біблія на латинській мові «Вульгата».

<sup>у</sup> Макарій Єгипетський (бл. 300 – 390) – великий християнський подвижник, богослов.

<sup>ф</sup> Смолин – нині село Чернігівського району Чернігівської обл.

<sup>х</sup> Феодорит (бл. 387 – 457) – єпископ Кирський, богослов.

